

# **1 Korin**

## **Korin nin Yesuyen alya bereya hitte Pol belen hanƙapya asan kayyin**

<sup>1</sup> Ne Polbe Al Kurun belen dufayminde po Yesu Kristuyen mere basan al aposel hiyyen yen hoy niryin. Ningeb meten kadninin Sostenesya neya belen

<sup>2</sup> den Korin taunde nin Yesu Kristuyen alya bereya sios Al Kurun belen doyan dirde hi goya Doyan Al Kuruninin Yesu Kristu dolon irde han mar megen hike kwa kurun goya goyen goke asan gago kan har. Den Korin nin siosbe Yesu Kristu nin dufaytin sanin irke Al Kurun belen yen ge ten hoyan mun dapat dirtin han. Irde wukken wor po yiren yen hoy dirtin han. Yesu Kristube yen dolon irde han mar megen hike kwa kurun goya nenyat Doyan Al Kurun.

<sup>3</sup> Ningeb Adoninin Al Kurunya Doyan Al Kurun Yesu Kristuya belen buninen dirde igin igin dirde bitin yisikamke igin hiwon yen nurde har.

*Pol belen Korin nin Yesuyen alya bereya nin Al Kurun igin nurd unyin*

<sup>4</sup> Be, denbe Yesu Kristuya han geb, Al Kurun belen buninen dirde igin igin dirde hi. Ningeb goke ten huginen Al Kurun igin wor po nurd unen himyen.

5-6 Al Kurun̄ igin̄ nurd unen̄ himyen̄ gote min̄ kurabe gahade: nen̄ belen̄ Yesu Kristu nin̄ tagal-tekeb mere go nurdeb bitin̄de taren̄ hitin̄ han̄ gwahade goyen po, den̄ goyen Yesu Kristuya hikeb mere ten̄ ten̄ya saba fudinde bebak ten̄ ten̄ya kurun̄ gobe igin̄ mat wor po titek po dirtin̄yen han̄.

7 Gwahade nin̄geb Doyan̄ Al Kurun̄nin̄ Yesu Kristu sopte mulgan̄ hen̄ wawon̄ wor po yen̄ nurde goke doyan̄ hen̄ya Holi Spirityen̄ taren̄ kawan forok yen̄ yen̄ mata goyen tumnan̄ yawartin̄ ala han̄.

8 Den̄ gwahade gobe Al Kurun̄ belen̄ san̄in̄ dirde hike kun̄ kun̄ nalu funan̄ forok yiyyen̄. Gogab nalu funan̄ Yesu Kristu wan̄ wan̄ goyenterbe ultin̄de merem mon̄ hinayin̄.

9 Nin̄geb nen̄ belen̄ Urmin̄ Doyan̄ Al Kurun̄nin̄ Yesu Kristuya awalikde hinayin̄ yen̄ hoy diryin̄ al Al Kurun̄be yen̄ ge hekken̄ nurtek al hi.

### *Yesuyen alya bereya bana bipti forok yamin̄*

10 Be, kadne yago, den̄ tumnan̄ kadam mon̄de ten̄ ten̄ mata ma ten̄ hinayin̄. Mere ten̄ hinayin̄ kurun̄ goyen banabe dufay un̄kuren̄ po kerde mere ten̄ hinayin̄ yen̄ gago Doyan̄ Al Kurun̄nin̄ Yesu Kristuyen̄ den̄emde dinen̄ hime. Mon̄go gwaha ma tinayin̄be den̄ han̄ bana gon̄ kadam kilon̄ gird ten̄ hikeb bipti forok yenayin̄. Nin̄geb bada hen̄ bitin̄ya dufaytin̄ya un̄kuren̄ po kerde awalikde po hinayin̄.

11 Kadne yago, ne ga dinen̄ hime gabe al kura Kloeya han̄yen mar kura gore wan̄be dindiken̄

ulij dufay budam yerde kadom mohonje ten hanjen goke momon niranj geb, gago dinenj hime.

<sup>12</sup> Denj hanj bana goj ninj al kurabe, “Nenbe Polyen saba gama irde hite,” yenj hanj. Kurabe, “Apolosyen saba gama irde hite,” yenj hanj. Irde kuratinje, “Pitayen\* saba gama irde hite,” munanj kurabe, “Yesu Kristuyen saba gama irde hite,” yenj hanj.

<sup>13</sup> Daninj gwaha tenj hanj? Yesu Kristube walkaka irde hoyanj hoyanj irtinj geb, gogo tenj hanj? Ne Pol gare denj ge tenj kuruse hende kamirinj? Irde ne Polyen tarende baptais taminj? Monj, gwahade monj!

<sup>14</sup> Denj belen mata gwahade tenj hanj go nurdeb ne belen hanj kopya Krispusya Gaiusya po baptais yirdeb denj kurabe baptais ma dirmirinj goke Al Kurunj iginj wor po nurd unenj hime.

<sup>15</sup> Ninj geb denj belen epte ma, “Nenbe Polyen tarende baptais titirinj,” yenayinj.

<sup>16</sup> Fudinde, Stefanasya yenya hanjen mar goyen wor baptais yirmirinj yenj nurde hime. Munanj al hoyanje gwaha yirmirinj yenj ma nurde hime.

<sup>17</sup> Yesu Kristu belen nad nerke denj hitte kumirinj gobe al baptais yird yird ninj ma kumirinj. Gwahade yarabe yenj ge yitinj mere iginj goyen tagal tagal ninj kumirinj. Kunj tagalde henjyabe monjo Yesu Kristu kuruse hende kamyinj gote sanjje hubu hiyyenkek yenje megen ninj alyen dufay wukkekek yenj hanjen goyen ma gama irde tagalde hinhem.

---

\* **1:12:** Denjem hoyanje Sifas.

*Yesu Kristube Al Kurunyen tarenya dufay wukkeky minyan*

<sup>18</sup> Be, Yesu kuruse hende kamiyinj gote merebe megen nin alyen dufay gama irde kame kak alare kutek marbe kukuwamnen nurde han. Goyen-poga nen Al Kurun belen dumulgan titinj marbe mere gobe mataninin gergen ird ird tarej minyan yen nurde hite.

<sup>19</sup> Kukuwamnen nurde han mar gokeb Al Kurunyen asande mere gahade katinj hi:

“Al kura, ‘Nenbe megen nin dufay wukkekninin yan,’ yen han marte dufay wukkek goyen gwamun yuren.

Irde ‘Kenkela bebak ten ten sanjninin yan,’ yen han marte bebak ten ten tarej goyen ten sinja iren,” yitij hi. *Aisaia 29:14*

<sup>20</sup> Ningeb megen nin dufay wukke minyan albe Al Kurun dilinde meten iginj dahade ten han? Saba ten ten marbe Al Kurun dilinde meten iginj dahade ten han? Irde gayenter dufay gergen forok yirde al bin yawarde han marbe Al Kurun dilinde meten iginj dahade ten han? Hubu wor po! Al Kurun belen megen nin alyen dufay wukke yen hanyen goyen kukuwamnen wor po iryin.

<sup>21</sup> Ningeb megen nin alyen dufay go gama irde han marbe epte ma Al Kurun nurd untek yiryinj gobe Al Kurun belen dufayminj wukke kerde gogo gwahade yiryinj. Irde mere tagaltekeb megen nin al belen mere kukuwamnen yen hanyen goyen al kura belen mereninin goyen nurde Yesu Kristu nin dufayminj tarej irnayinj marbe yad yad nin Al Kurun belen amanen nurde dufay gogo kiryin.

<sup>22</sup> Yuda marbe mata tiñeñ Al Kurun beñeñ po ga irtek goke po nankenenñ hañ. Grik marbe megen niñ alyen dufay wukkekk goke po nankenenñ hañ.

<sup>23</sup> Gega neñbe Yesu Kristu kuruse hende kamyiñ goke po tagalde hite. Goyenbe Yuda marbe Mesaiabe gwahade mat ma kamyenñ yenñ nurde hanñyen geb, gwahade nurde hanñyen gore Yesu Kristu niñ yitiñ mere goyen bebak teñ teñ belñeñ pet tike mata bulunñde kateñ hañ. Irde Yuda mar moñ al miñ hoyañbe Yesu Kristu niñ yitiñ mere gobe kukuwamñeñ nurde hañ.

<sup>24</sup> Goyenpoga al kura Al Kurun beñeñ basiña yir-tiñ marbe Yesu Kristu beñeñ Al Kurunñyen sañiña dufay wukkekye goyen kawan yiryiñ yenñ nurde hañ. Yuda mar kura Al Kurun beñeñ basiña yiryiñ marbe gwahade nurde hañ. Al miñ hoyañ Yuda mar moñ goyen Al Kurun beñeñ basiña yirtiñ mar wor gwahade po nurde hañ.

<sup>25</sup> Megen niñ marbe Yesu kuruse hende kamyiñ gobe Al Kurunñyen dufay po gama irde gogo tiyyiñ mere goyen nurdeb Al Kurunñyen dufay gobe kukuwamñeñ yenñ nurde hañ. Gega Al Kurunñyen dufaybe alyen dufay gote folek geb, gogo Yesu kuruse hende kamde Al Kurunñyen dufay wukkekk goyen kawan iryiñ. Megen niñ marbe Al Kurunñyen tareñbe kurun moñ geb Yesu keneñ unañ tike kuruse hende kamyiñ gogo yenñ nurde hañ. Gega Al Kurunñyen tareñbe alyen sañiñ gote folek geb, gogo Yesu kuruse hende kamyiñ gega sopte isañ heñ tareñmiñ kawan iryiñ.

<sup>26</sup> Be, kadne yago, hañkapye Al Kurun beñeñ hoy ma diriñyabe megen niñ marte diliñdeb dahade

hinhan goke dufay henaŋ ko. Deŋ duŋkureŋ duŋkureŋ po ga megen niŋ alyen dufay wukkek yeŋ haŋyen go miŋyaŋ hinhan. Irde deŋ bana goŋbe al deŋem yaŋbe budam ma hinhan. Doyaŋ mar wor budam moŋ.

<sup>27</sup> Goyenpoga Al Kurunbe megen niŋ alyen dufay wukkek goyen goniniŋ yaŋ yeŋ haŋ mar memya henaŋ yeŋbe dufay go miŋmoŋ mar basiŋa yiryiŋ. Irde al tareŋniniŋ yaŋ yeŋ haŋ mar memya henaŋ yeŋbe saŋiŋ miŋmoŋ mar basiŋa yiryiŋ.

<sup>28</sup> Irde megen niŋ mar beleŋ al kura gogo yeŋ ma yeneŋ haŋyen irde al deŋem moŋ yineŋ haŋyen mar goyen Al Kurun beleŋ basiŋa yiryiŋ. Al Kurunbe megen niŋ mar beleŋ det kurun yeŋ nurde haŋ det gobe gwamuŋ yurde det titmiŋeŋ yeŋ nurde haŋ det gobe basiŋa yiryiŋ.

<sup>29</sup> Gogab al kura beleŋ epte ma Al Kurun diliŋde yiŋgeŋ ge turun turun teŋ hinayiŋ.

<sup>30</sup> Goyenpoga deŋbe Al Kurun beleŋ basiŋa diriŋ geb, Yesu Kristuya haŋ. Yesu Kristube dufay wukkek Al Kurun hitte mat watiŋ gote miŋ al heŋbe dufay wukkek duneŋ hi. Yeŋbe gwahade geb, neŋ gayen dufay wukkek go duneŋbe mata buluŋde mat dumulgaŋ tiye yeŋ nende gasuŋ teŋ kamiŋ. Irde Al Kurun diliŋde al huwak, irde wukkek wor po diriŋ.

<sup>31</sup> Niŋgeb goke teŋ Al Kurunyen asaŋde gahade katiŋ hi:

“Al kura yiŋgeŋ ge turun turun tiye yeŋbe Doyaŋ Al Kurun po ga turun iryeŋ,” yitiŋ. *Yeremaia 9:24*

## 2

<sup>1</sup> Be, kadne yago, haŋkapyo den hitte kuŋ gor henyaŋbe Al Kurunyen dufay banare hinhin goyen kawan irde momoŋ dirde hinhem. Gwaha dirde henyaŋbe mere al beley hapek yaŋ nurtek mat ma momoŋ dirde hinhem. Irde megen niŋ alyen dufay wukkek yeŋ haŋyen go hende huwarde ma momoŋ dirde hinhem.

<sup>2</sup> Go dirde hinhem gobe denya henya det hoyan hoyan niŋ ma nuren, Yesu Kristu niŋ po nuren, irde yeŋ kuruse hende kamyiŋ goke po nuren yeŋ dufay heŋ hinhem geb, gogo dirde hinhem.

<sup>3</sup> Ne denya hinhetyabe Al Kurunyen metenbe kurun geb, nigen tarenner epte moŋ yeŋ nurde hinhem. Irde moŋgo metenmiŋ bulun iren yeŋbe kafura heŋ barbar wor po yeŋ hinhem.

<sup>4</sup> Niŋgeb Al Kurunyen mere tagalde saba dirde henyaŋbe megen niŋ alyen dufay wukkek, kir-miŋtiŋde hapek yaŋ nurtek goyen gama irde ma tagalde hinhem. Gwaha titenbe Holi Spirityen saŋiŋde meten ten himeke gote iginen kawan forok yeŋ hinhan.

<sup>5</sup> Go ten hinhem gobe dufaytiŋ Yesu niŋ taren iramiŋ goyen megen niŋ alyen dufay wukkek yeŋ haŋyen go hende moŋ Al Kurunyen tarende dufayniŋ saŋiŋ irtiriŋ yeŋ nurnayiŋ yeŋbe gogo Holi Spirityen tarende meten ten hinhem.

### *Dufay wukkekbe Holi Spirit beley dunen hi*

<sup>6</sup> Be, neŋ Al Kurunyen mere tagal tagal marbe Yesu gama ird ird matare parguwak yara hitiŋ mar goya heŋ Al Kurunyen dufay wukkek goke saba tagalde hite. Goyenbe megen niŋ alyen

dufay wukkek yeŋ hanŷen go hende ma tagalde hite. Irde megen niŋ doyaŋ mar kame hubu henayaŋ gote dufay wukkek yeŋ hanŷen go hende huwarde ma tagalde hite.

<sup>7</sup> Gwaha titŋeŋbe Al Kurunŷen dufay wukkek banare hitiŋ bebak titek moŋ goyen tagalde hite. Al Kurunŷen dufay wukkek gobe kame nalu funaŋde deŋniniŋ turŋuŋ yaŋ heŋ heŋ ge Al Kurunŷen beleŋ hanŋkapa wor po megeŋ ga forok ma yekeya ep iryiŋ go goyen.

<sup>8</sup> Dufaymiŋ wukkek gobe megen niŋ doyaŋ mar beleŋ bebak ma tiyamiŋ. Bebak tiyamiŋ manhan Doyaŋ Al Kurunŷen tarenmiŋ turŋuŋ yaŋ wor po goyen kuruse hende ma mayke kamwoŋ.

<sup>9</sup> Goyenbe go mar gore gwaha tinayiŋ yeŋbe bikkeŋ Al Kurunŷen asaŋdeb gahade katiŋ:

“Al Kurunŷen beleŋ yeŋ ge amaŋeŋ nurd uneŋ hanŋ mar niŋ det gitik teŋ yuniŋ gobe megen niŋ marbe diliŋde ma kennayiŋ, kirmiŋde ma nurnayiŋ, irde epte ma det go forok yenayiŋ yeŋ nurde hinayiŋ,” yitiŋ hi. *Aisaia 64:4*

<sup>10</sup> Goyenbe neŋ hittebe Al Kurunŷen beleŋ Holi Spirit inke det goyen dikala diriŋ. Holi Spiritbe det tumŋaŋ yeneŋ keŋkela nurde bebak teŋ hiyen. Al Kurunŷen dufay banare wor po hi goyen manan keŋkela nurde bebak teŋ hiyen geb, gogo Al Kurunŷen beleŋ inke neŋ hitte waŋ dikala diriŋ.

<sup>11</sup> Be, ganuŋ al beleŋbe kadomde dufay goyen epte keneŋ bebak tiyyeŋ? Hubu wor po. Al goyen yiŋgeŋ po gab dufaymiŋ goyen nurde hiyeŋ. Gwahade goyen po, al kura beleŋ Al Kurunŷen



dufay epte ma nuryen. Al Kurunyen dufaybe Holi Spirit po gab nurde hiyen.

<sup>12</sup> Neñbe megen niñ mar beļeñ dufay heñ hañ gwahade ma dufay heñ hite. Gwahade yarabe da detbe Al Kurun beļeñ murunġem moñ duliñ duntin goyen bebak tinayin yenbe Holi Spirit Al Kurun hitte mat watin go po gab neñ hitte hi.

<sup>13</sup> Niñgeb mere tagalde hite gobe megen niñ alyen dufay wukkeken yen hanjen go hende huwarde ma tagalde hite. Gwaha titneñbe Holi Spirit beļeñ saba dirtin go hende huwarde tagalde hite. Niñgeb mere fudinde Holi Spirit beļeñ yitin goyen Holi Spirityen yufuk bana hañ mar goyen nurde bebak tinayin yen momon yirde hite.

<sup>14</sup> Gega al kura Holi Spirityen yufuk bana ma heñ megen niñ dufay po gama irde hañ marbe mataya mereya Holi Spirit beļeñ forok yirde hi goyen epte ma yeneñ bebak ten kukuwamnen po nurde hinayin. Niñgeb mel gobe mataya mereya Holi Spirit beļeñ forok yirde hi goyen ma yade hañ. Gobe Holi Spirityen yufukde hañ mar beļeñ po gab yeneñ bebak ten hañ geb, gago dinen hime.

<sup>15</sup> Goyenbe Holi Spirit yufuk bana hi albe mataya mereya kurun goyen igin ma bulun goyen igin yeneñ bebak ten hiyen. Gega al gobe al mali hoyan kura beļeñ epte ma al igin ma bulun innayin.

<sup>16</sup> Gokeb Al Kurunyen asande gahade katin hi:

“Ganun al beļeñ Doyan Al Kurunyen dufay kenen bebak ten hi? Hubu wor po.

Ganun al beļeñ igin saba iryen? Epte mon,” yitin.

*Aisaia 40:13*

Goyenpoga nenbe Yesu Kristuyen dufay kenen bebak ten hite.

### 3

*Yesuyen alya bereya yingen ulin fitfut tiyamin goke yirin*

<sup>1</sup> Be, kadne yago, denya hinhemyabe den goyen bitinde Holi Spirit belen sanin meten ten hi yen ma denen hinhem. Dufaytinbe Yesu Kristu nin taren iramin gega, bitin banabe megen nin dufay belen po kurun hike denenbe dirin muknen dufaymin hako po han goyen saba yirtin yara dirde hinhem.

<sup>2</sup> Dirin muknenbe binje taren epte ma netek geb, mamu po nene hanjen. Nin geb den wor gwahade goyen denenbe saba sanin ma dirde hinhem. Gayenter wor bikken hinhan gwahade po han.

<sup>3</sup> Gobe bitin banabe megen nin dufay po kurun hi geb, gwahade po han. Ga dinen hime gabe den bana gon kadtin igin mat hike yenenbe goke bitin ar yen hi, irde kadom mohonde ten han geb, gago dinen hime. Den mata gwaha ten han gobe bitin bana megen nin dufay po kurun hi geb, mata gogo ten han. Holi Spirit minmon marte mata gama irde han geb, gogo ten han.

<sup>4</sup> Ga dinen hime gabe kuratin belen, "Nenbe Polyen saba gama irde hite," yen han, irde kura belen, "Nenbe Apolosyen saba gama irde hite," yen han gobe Holi Spirit minmon marte mata geb, gogo megen nin marte mata po ten han dinen hime.

<sup>5</sup> Metenɗerebe Al Kurunɗu belenɗu hoyanɗu hoyanɗu dunyinɗu. Niɗgeb Apolosbe ganunɗu? Irde Polbe ganunɗu? Deyyabe tumɗanɗu Al Kurunɗu metenɗu mar ulinɗu po. Niɗgeb denɗu ge metenɗu tiyyekeb gogo Yesu niɗu dufaytinɗu tarenɗu iraminɗu.

<sup>6</sup> Gwahade geb ne Polbe det muykenɗu tur irtinɗu yara denɗu bitinɗu bana Al Kurunɗu mere goyen kir-mirinɗu. Irkeb Apolos belenɗu Al Kurunɗu mere go kurunɗu hiyyen yenbe det hartinɗu go fe yunenɗu doyanɗu yirde hanɗu yara doyanɗu irde hinhinɗu. Goyenbe det hartinɗu go forok irde kurunɗu ird ird albe Al Kurunɗu, yenɗu unɗurenɗu po.

<sup>7</sup> Niɗgeb Al Kurunɗu mere al binɗe tur ird ird alya mere go fe unenɗu doyanɗu ird ird alyabe turunɗu yirtek monɗu. Mere go kurunɗu ird ird al Al Kurunɗu yenɗu munɗu po gab turunɗu irtek.

<sup>8</sup> Munanɗu Al Kurunɗu mere al binɗe hard hard alya mere go kurunɗu henɗu henɗu ge doyanɗu ird ird alya gote metenbe hoyanɗu hoyanɗu monɗu. Al Kurunɗu dilinɗeb unɗurenɗu po. Goyenbe metenɗu nende gigen yuntinɗu gote murunɗembe kame metenminɗu gote iginenɗu dahade forok yitinɗu goyen yenenɗu gab murunɗem gwahade po yunenɗu.

<sup>9</sup> Fudinde, neya Apolosyabe tumɗanɗu Al Kurunɗu niɗu tenɗu metenɗu tenɗu har. Munanɗu denbe Al Kurunɗu binɗe metenɗu yara. Irde Al Kurunɗu ya balem go gwahade goyen.

<sup>10</sup> Be, Al Kurunɗu belenɗu buninenɗu dirde iginɗu iginɗu diryinɗu geb, al kura ya ird ird mata nurde pasi hitinɗu al gore kenkela po tola yimiyyen gwahade yara nebe denɗu hitte kunɗu Yesuyen alya bereya sios forok ird ird metenɗu minɗu urmirinɗu. Irkeb al hoyanɗu

belen meten timirin go hende sios forok irde han. Mata gobe tola yimiytin go hende al hoyan belen ya irde han go gwahade goyen. Goyenbe tola yimiytin go hende ya irde han marbe daha mat ya go irde han goke kenkela nurde ga irde hinayin.

<sup>11</sup> Tola taren han kapa timiytin tola gobe Yesu Kristu. Ningeb al kura tola hoyan kura sopte ma yimiyyen.

<sup>12</sup> Yesu Kristu hitte mat sios forok irde han marte metenmin kurabe igin wor po, kurabe igin wor po mon. Gobe al belen ya yirtin yara. Al kurabe gol, kurabe silwa, kurabe hora damum hende wor po yade ya yirnayin. Irde al kurabe he, kurabe yamu, kurabe hun belen po ya yirnayin.

<sup>13</sup> Irde kun kun al iginya bulunya pota yird yird nalu funan forok yeke ya yirtin go kak belen kumga tike gab ya yirtin mar bana ganunyen metenbe igin, munan ganunyen metenbe igin wor po mon goyen kawan forok yiyyen.

<sup>14</sup> Kak belen kumga tiyyen gega, ya daminbe sanin hiyyen gobe ya go iryin albe gote murungem tiyyen.

<sup>15</sup> Munan ya go humga kukeb ya go iryin al gote murungembe hubu geb, bin misin nuryen. Yingenbe Al Kurun belen ten gasunminde kiryen. Gega al gobe yamin humga kuke detmin tumnan ya binde yubul ten busaharde ulin ulin po hiyen go gwahade metenmin gote murungembe hubu wor po hiyyen.

*Yesuyen alya bereyabe Al Kurunyen ya balem*

16 Be, den Yesuyen alya bereyabe Al Kurunyen ya balem, irde Holi Spirit den bana hi goyen ma nurde han?

17 Al Kurunyen yabe balem wor po, irde denbe ya balem gogo geb, al kura beley Al Kurunyen ya go bulun iryenbe Al Kurun beley al go gwamun uryen.

*Megen nin alyen dufay wukkek yen hanjen gobe Al Kurun dilingde det dirnen wor po*

18 Be, denbe dindiken usi ma yirde hinayin. Ningeb den han bana al kura beley yingen ge yenbe, “Nebe megen nin alyen dilingde dufay wukkek minyan al yen nenen han,” yen nurde hi kenem dufay go tubul po tiyyen. Gwaha ten hike megen nin mar beley kukuwamnen kenen hinayin gega, Al Kurunbe dufay wukkek minyan yen kinyen.

19 Megen nin alyen dufay wukkek yen hanjen gobe Al Kurun dilingde kukuwamnen kenen hiyen geb, gogo Al Kurunyen dufay wukkek gama irde hiyen al gobe dufay wukkek fudinde go minyan yen kinyen. Goke tenbe Al Kurunyen asande gahade katin hi:

“Al kura, ‘Nenbe megen nin alyen dufay wukkek goninin yan,’ yen han marbe  
Al Kurun beley dufaymin tigiri tikeb yingen go po bulun yirde hi,” yitin. *Yop 5:13*

20 Irdeb sopte mere kura katinbe gahade:

“Doyan Al Kurunbe megen nin alyen dufay wukkek yen hanjen gobe gote iginen minmon yen nurde hi,” yitin hi. *Tikin 94:11*

21 Niŋgeb denbe al kura turuŋ irde, “Neŋbe al goyen gama irde hite,” ma yeŋ hinayiŋ. Det tumŋaŋbe dende geb, gago momoŋ dirde hime.

22 Ne Polya Apolosya Pitayabe tumŋaŋ den Yesuyen alya bereyat meten mar. Megen ga manaŋ dende megen. Irde heŋ henya kamde kamdeya, det haŋka haŋ gaya kame hinayiŋ goya kuruŋ gobe tumŋaŋ dende.

23 Irde denbe Yesu Kristuyen alya bereya. Irde Yesu Kristube Al Kuruŋyen.

## 4

### *Yesu Kristuyen mere basan mar*

1 Be, gwahade niŋgeb, denbe neŋ gayen Yesu Kristuyen meten mar, irde Al Kuruŋ beleŋ du-faymiŋ banare hitiŋ goyen kawan ird ird meten yuntiŋ mar yeŋ denen hinayiŋ.

2 Goyenbe neŋ Yesuyen meten mar beleŋ titek mata kurabe Al Kuruŋ beleŋ meten duntiŋ goyen bininiŋde mat fudinde wor po keŋkela meten titek go goyen.

3 Goyenpoga meten go teŋ henyaabe den beleŋ daw ma al hoyan beleŋ daw metenneya mataneya goke igiŋ ma buluŋ ninnayiŋ goke kandukŋen ma nurde himyen. Nigen wor metenneya mataneya goyen igiŋ wet ma buluŋ wet goyen goke ma yeŋ himyen.

4 Ne benerbe metenya mataya teŋ hime kuruŋ gobe igiŋ ala po teŋ hime yeŋ nurde himyen. Gega Al Kuruŋ diliŋdebe buluŋne kuram moŋ ma yewen. Al Kuruŋ yeŋ unkuŋen gore po gab

igin tenj hime ma bulun tenj hime goyen momon niryenj.

<sup>5</sup> Niñgeb metenj marminjde metenja mataya goyen igin ma bulun yinenj yinenj nalube hako hi geb, aranj po gwaha ma yinenj hinayinj. Nalu funande gab Doyanj Al Kurunj belej wanj gwaha yinyenj geb, gayenter denj belej gwaha ma yinenj hinayinj. Goyenter gab Doyanj Al Kurunj belej alyen mataya metenja kidoma bana hike epte ma kenkela yentek yara goyen kawan ird ird hulsi tenj wayyenj. Irdeb al binjde dufay kerde hitinj goyen wor kawan iryenj. Irke gab Al Kurunj belej metenj marminj nende gigen metenj titinj gote murunjem yunenj turunj yiryenj.

<sup>6</sup> Be, kadne yago, saba dirhem gayen denj belej nurde kenkela bebak tinañ yenbe neya Apolosyat ulderer mere gago tenj hime. Gogab denj belej neya Apolosyat mata kenenbe, “Al Kurunyen asande katinj go po gama irde hinayinj. Mere hoyanj gor ma hanj gobe gama ma irde hinayinj,” yenj hanjen gote minj nurnayinj. Gwaha tinayinbe al kura gama ird ird goke yingenj turunj turunj tenbe al hoyanbe bulun mat tagal unenj unenj mata go ma tenj hinayinj.

<sup>7</sup> Goyenpoga dindigenj ge yenj nenbe iginj yenj nurdeb al hoyanbe bulun yinenj yinenj tareñbe ganunj belej dunkeb gogo tenj hanj? Det budam denj hitte hanj kurunj gobe Al Kurunj belej ma duntinj? Goyenbe daniñ Al Kurunj belej ma duntinj yenj nurdeb dindikenj ge turunj turunj tenj hanj?

<sup>8</sup> Be, denbe Al Kurunyen saba ninj binje

kamtinɛj tɛj hinhan goyen bikkɛj tumɲan nurde pasi hitin yɛj nurde haɲ. Irde al kura horam yaɲ belɛj det kuraɲ ma nurde haɲ yara Holi Spirityen tareɲbe bikkɛj titin gogo ep yɛj nurde haɲ. Irde doyaɲ mar karkuwaɲ hitin yɛj nurde haɲ, irdeb neɲ Yesuyen mere basan mar gayenbe deɲem miɲmoɲ yɛj nurd dunɛj haɲ. Goyenbe deɲ goyen gwahade hetek nalube hako po hi. Yesu Kristu sopte mulgan heɲ waɲ waɲ nalure gab alya bereyamin gobe doyaɲ mar karkuwaɲ henayin. Niɲgeb fudinde wor po, deɲ goyen doyaɲ mar karkuwaɲ hewoɲ yɛj nurde hime. Gogab neɲ wor denya tumɲan doyaɲ mar karkuwaɲ hinin.

<sup>9</sup> Gega gayenter neɲ Yesuyen mere basan marbe al kura mata buluɲ wor po tike al buda kurun dilinɛde gasa yirke kamtek marte gasunde gor deɲ ge tɛj Al Kurun belɛj dirtin yara nurde hime. Niɲgeb alya bereya megen haɲ kurun goya Al Kurunyen miyoɲya tumɲan neɲ hitte kanduk dahade forok yenayin yɛj denɛj haɲ.

<sup>10</sup> Gwahade niɲgeb, neɲbe Yesu Kristu nin tɛɲbe kukuwa hite, munaɲ deɲbe Yesu Kristuya heɲbe dufay wukkeɲ miɲyaɲ haɲ. Irde neɲbe yulkek hite, munaɲ deɲbe saɲɲinɲin yaɲ. Deɲbe al belɛj al deɲem yaɲ yɛj denɛj palap dirde haɲ, munaɲ neɲ gabe al siksukɲɛj yɛj palap ma dirde haɲ.

<sup>11</sup> Fudinde, neɲbe metɛj miɲ urtirinɛde mat waɲ waɲ ga hite gayenterbe binɛe nin kamde, fe nin kamde, ulninin umɲa miɲmoɲ, irde al belɛj buluɲ buluɲ wor po dirke ulninin misin katen hityen. Irde yaninin miɲmoɲ geb, kurar mat



kurar kuŋ kuŋ teŋ hityen.

<sup>12</sup> Neŋbe biŋge niŋ nurdeb nindiken meten kurun teŋ gab yade hityen. Al kura beŋ karan durkeb neŋbe Al Kurunyen tareŋde guram yirde tareŋ yirde hityen. Al kura beŋ bulun bulun dirkeb goke mukku ma teŋ goya goya meten teŋ hityen.

<sup>13</sup> Al kura mere bulun mat dirkeb neŋbe igin mat wol heŋ yuneŋ hityen. Miŋde mat waŋ waŋ haŋka hite gayenter neŋbe det bulun kura yimiytineŋ dirtek yara hite.

<sup>14</sup> Gwaha dinmekeb memya henaŋ yeŋ ma asaŋ ga kaŋ duneŋ hime. Gwaha dirtineŋbe deŋ goyen dirine yago yara geb, bener mat deŋ ge amaŋeŋ wor po nurdeb gago nurde ga hinayiŋ yeŋ saba dirde hime.

<sup>15</sup> Yesu Kristu niŋ saba dird dird marbe budam wor po haŋ. Goyenbe adotiŋ yagobe budam gwahade ma haŋ. Ne wa kuŋ Yesu Kristu niŋ yitiŋ mere goyen momoŋ dirmeke yeŋ ge dufaytiŋ saŋiŋ iramiŋ geb, nebe Yesu Kristuya heŋbe deŋ kurun gote adotiŋ yara himiriŋ.

<sup>16</sup> Niŋgeb nere mata po keŋkela gama irde hinayiŋ yeŋbe gago batbat dirde hime.

<sup>17</sup> Goke teŋbe Timoti gogo deŋ hitte teŋ kermeke kuyeŋ. Yeŋbe urne yara, bubulkuŋne wor po yeŋ nurd uneŋ himyen. Yeŋbe biŋde mat fudinde wor po Doyaŋ Al Kurun niŋ meten teŋ hiyen. Yeŋ beŋ gab ne gayen Yesu Kristuya heŋ mata dahade teŋ himyen goke momoŋ dirke bitiŋ bak yiyyeŋ. Yeŋbe ne beŋ Yesuyen alya bereya sios megen hike kwa kurun goyen saba yirde himyen gwahade goyen po momoŋ diryeŋ.

<sup>18</sup> Goyenbe den hañ bana goyen kuratiñ kurabe, “Polbe sopte ma wañ dinyeñ,” yeñ nurdeb neñ nurhet nurhet teñ hañ.

<sup>19</sup> Gega Doyañ Al Kurun belen igiñ ninkeb heñ ga heñ ga ma tiyeñ, goyare po kuñ deney. Kuñ gab parpar teñ hañ mar goyen mere dahade teñ hañ, irde tareñ damiñde mata gogo teñ hañ yeñ kenkela yeneñ bebak tiyeñ.

<sup>20</sup> Al Kurun belen alya bereyamiñ doyañ yirde hi gobe merere po moñ, tareñmiñde doyañ yirde hi. Niñgeb kuñ gab mel go sañiñ damiñde mata gogo teñ hañ goyen yeneñ.

<sup>21</sup> Niñgeb kuñ daha dirmeke gab igiñ yeñ nur-nayin? Bearar hende kwep kwep direñ ma, bekenñde igiñ mat mere direñbe igiñ?

## 5

### *Mata buluñ teñ hañ mar hayhay yirde hinayin*

<sup>1</sup> Be, den hañ bana goñ alya bereya kura leplep mata teñ hañ gote mere momoñ nurmiñ. Al kura naniñde beremya duwan teñ har gobe Al Kurun ma nurd uney hañ mar wor mata gwahade ma teñ hanjen.

<sup>2</sup> Goyenpoga denbe mata gwahade forok yeñ hi goke buluñey ma nurde tumñañ Al Kurun diliñde igiñ po hite yeñ dindiken ge turuñ turuñ teñ hañ. Mata buluñmiñ goke bitiñ misiñ nurde esenbe mata buluñ titiñ al goyen denya epte ma awalik hetek yeñ takira titek yarabe gwaha ma irde hañ.

<sup>3</sup> Nebe denya gor ma hite gega, dufaynerbe denya gor hite. Niñgeb nigen gor hime yara teñbe

mata go tiyuŋ al gob bikkeŋ mata buluŋ tiyaŋ inmiŋ.

<sup>4-5</sup> Niŋgeb deŋ beleŋ Doyaŋ Al Kuruniniŋ Yesu Kristu niŋ teŋ gabu irdeb al go takira tike Satan yufukde heŋ kanduk yeneŋ hiyeŋ. Dufaynebe deŋ gabu irde hinayiŋde gor denya hiyeŋ, irde Doyaŋ Al Kuruniniŋ Yesu Kristuyen tareŋ manaŋ deŋ hitte hiyeŋ geb, igiŋ gwaha tinayiŋ. Gogab al go kanduk bana heŋyabe mata buluŋ timiŋ yeŋ bebak teŋbe megen niŋ dufay buluŋ go tubul tikeb kame Doyaŋ Al Kurun waŋ waŋ nalureb al go tumulgaŋ tiyyeŋ.

<sup>6</sup> Niŋgeb mata buluŋ gwahade goyen deŋ bana hikeya dindikeŋ ge turuŋ turuŋ ma teŋ hinayiŋ. Deŋbe yis dirŋeŋ muŋ kura palawa bana kerkeb gore hilyaŋ kuŋbe palawa diŋdi niyyeŋ go goyen ma nurde haŋ?

<sup>7</sup> Nurde haŋ kenem mata buluŋtiŋ gobe yis girmaneŋ hitiŋ yara geb, goyen yade siŋa yirnaŋiŋ. Irkeb deŋbe palawa gergeŋ yis gam moŋ yara Al Kurun diliŋde wukkeŋ hinayiŋ. Yesu Kristu beleŋ mata buluŋtiŋ halde duneŋ yeŋ Pasobare niŋ sipsip dirŋeŋ yara\* heŋ kuruse hende kamyiŋ geb, deŋbe mata buluŋtiŋ miŋmoŋ mar hitiŋ haŋ.

<sup>8</sup> Niŋgeb neŋbe megen heŋyabe dufay bulunya mata bulunya yis bikkek yara goyen yubul po teŋ mata wukkekye mere fudindeya po teŋ hitek. Go teŋ hitek gobe Israel mar beleŋ Pasoba nalure

---

\* **5:7:** Bikkeŋ Israel mar Isip naŋa tubul teŋ Kenan kuniŋ tiyamiŋyabe Al Kurun beleŋ sipsip al diriŋ dirŋeŋ gasa yirde darim yade yame kantayaŋ sam yirnaŋiŋ yiniŋ. Pasoba Sipsip Dirŋeŋbe alyen gasuŋ teŋbe kamyiŋ al Yesu niŋ yitiŋ.

beret yis miŋmoŋ nene hanjen gwahade goyenbe gogo.

<sup>9</sup> Be, hakot kura ne belej asande al wet kura ma bere wet kura leplep mata ten hikeb go mar goyen awalik ma yirde hinayin yen kan dunmirin.†

<sup>10</sup> Go dinmirin gote miŋbe leplep mata ten han mar, det ug po yad yad nin po dufay hen han mar, al hoyan gasa yirnin yirnin yirde kawe yirde han maryabe det toneŋ al belej yirtin dolon yirde han mar goya ma po hinayin yen ma dinmirin. Munan go mar goya ma hitek yenbe go yilwa yirdeb kun damde hinayin? Gor kura hitek miŋmoŋ.

<sup>11</sup> Niŋgeb asan ga kan dunen hime gabe den han bana al kura belej, “Nebe Yesu gama irde hime geb, nebe kadtin,” dinen hiyen gega, mata bulun kura ten hikeb yenya ma awalik hen hinayin yenbe gago kan hime. Mata bulun gobe gahade: leplep mata, det ugun po yad yad nin po dufay hen hen mata, unjura dolon yirde yirde mata, mere bulun mat ten ten mata, kukuwa fe nene kukuwa hen hen mata, irde al gasa yirnin yirnin yirde kawe yird yird mata. Den han bana al kura mata bulun gwahade ten hike yenenbe awalik ma po irde hinayin. Dula wor yenya ma po ten hinayin.

<sup>12-13</sup> Al Yesu ma nurd unen han mar gore mata bulun ten han goke merem yan yird yird gobe nere samun moŋ geb, matamin goke ma nurde hime. Mata bulunmin gobe Al Kurun belej gab

---

† **5:9:** Pol belej asan budam kayyin goyen Baibelde ma han goyen bana mere tiyyin gokeb gago yen hi.

merem yan yiryen. Goyenpoga den han bana goyen al kura belen mata bulun tikeb ganun mar belen gab goke innayin? Den gog po geb. Goke tenbe, "Den han bana goyen al kura mata bulun ten hike kenenbe al go takira tinayin. Irkeb denya ma hinayin," yen han.

## 6

### *Kadom merere gerd gerd ma ten hinayin*

<sup>1</sup> Be, dindigen bana gon al kurabe kadomya kanduk minyan go sope irye yenbe danin Al Kurunyen alya bereya hitte ma kunbe megen nin marte mere nurd nurd al hitte kun han? Mata gwahade titek mon goyen danin gwaha ten han? Gobe bulun wor po!

<sup>2</sup> Denbe kame nalu funandebe nen Al Kurunyen alya bereya belen megen nin mar merere yerde matamin goke yintek goyen ma nurde han geb, gogo mata gwahade ten han? Irde den belen kame megen nin mar merere yerde matamin goke yintek han kenem den bana kanduk dirnen mun kura forok yitin goyen dindiken epte ma kanduk go sope yirnayin?

<sup>3</sup> Denbe nalu funande Al Kurunyen miyon mata bulunde katen ungura hitin goyen wor nenya denya belen merere yerde matamin goke yintek yen ma nurde han geb, gogo mata gwahade ten han? Nenbe kame mata kurun goyen wor igin titek kenem det dirnen megen nenya nen bana kadnininya kanduk forok yen han gobe epte sope yirtek. Goyenbe gwaha ma ten han!

4 Denbe dindiken bana kanduk kura goke kadam mohonde titek goyen forok yekeb kanduk go sope irniñ yeñbe daniñ megen niñ mar Yesuyen alya bereya yeneñmiñbe sios bana denem moñ yeñ yeneñ hañ mar hitte yad kuñ hañ?

5 Ga dineñ hime gabe nurde memya henan yeñbe gago dineñ hime. Deñ Yesu niñ dufaytiñ tareñ irtiñ mar bana goñbe kanduktiñ sope ird ird al kuram moñ?

6 Hubu niñgeb gogo dindiken uliñ kadam igiñ ma nurd guneñ teñbe merere yirniñ yeñ Yesu niñ dufaymiñ sañiñ ma irde hañ mar diliñde yukun hañ?

7 Fudinde, deñ hañ bana kadtiñya kanduktiñ miñyañ goyen megen niñ marte merere yerteke sope irnayiñ yeñ al siñare niñ hitte yukun hañ gobe Al Kurun diliñde bikkeñ soñ hañ yeñ deney hi. Niñgeb gwaha ma teñ hinayiñ. Kadtiñ belen usi dirde bulun bulun dirde hike goñmiñ goñ gwaha dirde hinañ yeñ hinayiñ gobe igiñ yeñ nurde hime.

8 Neb gwaha dineñ hime goyenbe fudinde wor pobe al usi yirde bulun bulun yirde hañ marbe al hoyañ moñ deñ gogo yeñ nurde hime.

9 Deñbe mata bulun teñ hañ marbe Al Kurun belen alya bereyamiñ doyañ yirde hi bana goñ epte ma hurkunayiñ goyen ma nurde hañ? Niñgeb al kura belen usi diryenkek geb, keñkela heñ ga hinañ ko. Mata bulun gobe gahade: leplep mata, unğura doloñ yird yird mata. Irde al kura berem yañ gega bere hoyanya duwan teñ teñ

mata, al belen belen nin bere yara hen hen mata, irde al dirin yingen po ulin gabu ird ird mata.

<sup>10</sup> Irde kurabe kawe mata, det ug po yad yad nin po dufay hen hen mata, kukuwa fe nene kukuwa hen hen mata, al mere bulun mat yird yird mata, irde al gasa yirnin yirnin yirde kawe yird yird mata. Al mata gwahade ten han mar gobe epte ma wor po Al Kurun belen alya bereyamin doyan yirde hi bana gon hurkunayin.

<sup>11</sup> Bikkenbe den han bana goyen al kurabe mata gwahade ten hinhan. Goyenpoga Doyan Al Kurun Yesu Kristuya Holi Spiritya belen mata buluntin goyen halde dunenbe Al Kurun dilinde wukkek wor po dirde al huwak dirtin han.

*Ulin kenkela doyan yirde Al Kurun turun irnayan*

<sup>12</sup> Be, den han bana goyen al kura belen, “Nenbe mata kura tinin yenbe igin ala titek,” yen hanen. Gega mata go tinayin gore huginen igin dirnayan yen ma nurde hinayin. Ningeb nebe mata kura tiye yenbe igin ala tiyen gega, mata gore epte ma nanarde bon yiyyen.

<sup>13</sup> Irde kuratin kurabe, “Bingebe bininin makin ird ird det, irde binininbe binje sola urd urd nin po,” yen hanen. Gega kamebe Al Kurun belen det irawa goyen tumnan mugol kiryen. Goyenbe han kanya Al Kurun belen alya bereyat ulin yiryin gobe min minyan yiryin. Ulnininbe lelep mata ten ten ge ma yiryin. Gwaha titnenbe Doyan Al Kurun denem turnun yan ird ird nin yiryin, irde Doyan Al Kurunbe ulninin guram yirde taren yird yird nin hi.

14 Al Kurun belen Doyan Al Kurun Yesu ulninin gake ten kamyin goyen sopte isan hiri. Ningeb kame nen wor tarenminde kamtinde mat disan hiyyen.

15 Denbe Yesu Kristuyen ulin pigin yara han geb, kuratin kurabe Yesuyen hani, kurabe kahan hitin han goyen nurtin ala ten han. Gega nen Yesu Kristuyen ulin pigin hitin gayen igin kurhan kura ten belen nin bere sikkenya gabu irtek? Epte mon.

16 Al Kurunyen asandebe, "Alya bereya wan gabu henbe ulin unken hiyyen," yitin hi. Ningeb al kura belen nin bereya gabu hiriryenbe bere goya ulin unken hiyyen go goyen ma nurde han?

17 Goyenbe al kura Doyan Al Kurun nin du-faymin sanin iryen al gobe tonenbe Doyan Al Kurunyen tonenya gabu hen unken hiyyen.

18 Ningeb lelep matabe tubul po ten hinayin. Mata bulun hoyanbe al hoyan bulun yirde hanjen. Munan lelep mata ten hinayinbe dindiken de ultin goyen po bulun yirde hinayin.

19-20 Irde ultinbe Holi Spirityen ya balem yen nurde hinayin. Holi Spirit Al Kurun belen duntin gobe ultin bana hi. Mata buluntin gote murungem dindiken yawartek goyen Doyan Al Kurun belen yawaren yenbe darim wok irde kamyin geb ultin gobe dende mon. Ningeb ultin go kenkela doyan yirde hikeb gore meten ten hikeb Al Kurunyen den kurun hen hiyen.



*Ire unyat mata kenkela gama irde hinayin*

<sup>1</sup> Be, asaŋ kaŋ gusaŋaŋ niraŋ goyen wol heŋbe gaha dinaŋ tihim. Be, al berem moŋ hinayin gobe igin yen nurde hime.

<sup>2</sup> Goyenpoga alya bereya budam wor po leplep mata teŋ hanjen geb, albe berem yaŋ henayin, irde berebe uŋ miŋyaŋ henayin.

<sup>3</sup> Albe berem belen yenya heŋ heŋ ge nurkeb go po gama irde hiyen. Gwahade goyen po, bere wor uŋ belen yenya heŋ heŋ ge nurkeb go po gama irde hiyen.

<sup>4</sup> Gobe beremde ulin gobe yende kudinjen po moŋ, gobe unde manan geb, gago dinaŋ hime. Unyen ulin wor yende kudinjen po moŋ. Beremde manan.

<sup>5</sup> Niŋgeb al belen berem bada ma irde hiyen. Bere wor gwahade po uŋ bada ma irde hiyen. Gega Al Kurun mere ird ird nin teŋ tumnaŋde dufay unkuŋen irde muŋ kura kutŋa irye yenbe igin gwaha teŋ hiriryen. Goyenbe go kamereb sopte gabu teŋ hiriryen. Gwaha ma teŋ hiriryenbe bereya ma alya ferd ferd dufaymin epte ma fole irtek hekeb Satan belen waŋ tuŋaŋ yuryen geb.

<sup>6</sup> Ga dinaŋ hime gabe gwaha po teŋ hinayin yen nurdeya ma dinaŋ hime. Gwaha teŋ hinayin gab igin yen nurdeya dinaŋ hime.

<sup>7</sup> Albe ne yara heŋ berem moŋ hiwoŋ yen nurde hime. Goyenpoga albe nende gigen Al Kurunjen tareŋ hoyan hoyan yuntin han. Niŋgeb al kurabe berem moŋ gega, goke ma nurde hanjen. Munan al kurabe gote tareŋ ma teŋ saŋin hoyan titin geb, bere yade ga hanjen.

<sup>8</sup> Be, al kura bere ma yawartij hañ goya bere-tapyabe ne hime gahade dulinj hinayinbe iginj yen nurde hime.

<sup>9</sup> Goyenpoga al ninj ma bere ninj dufaytij harke epte ma hika titek kenem albe bere yade berebe al yade tej hinayinj gobe iginj yen nurde hime. Monjo dulinj henbe albe bereya, berebe alya ferd ferd ninj bitinj harke kak belen det kumga titinj yara epte ma hika titek henayinj.

<sup>10</sup> Be, al berem yan, irde bere unj minyanbe mere tareñ po dirde hime gayen nurnayinj. Mere gabe nere monj, Doyan Al Kurunjen mere. Ninjgeb bere unj minyanbe unj yilwa ma iryen.

<sup>11</sup> Goyenbe bere go unj tubul tej kenenbe dulinj po henj al hoyan ma tiyyen. Monj kenem unj hitte mulganj henj tumnanj hiriryen. Irde al wor berem ma takira tiyyen.

<sup>12</sup> Be, denj hañ bana goñ ire unya kura unj wet ma berem wet goyen Yesu ma nurd untinj goke saba direñ tihim. Be, berem gore unj goya tumnanj hireñ yen nurde hike kenem unj belen takira ma tiyyen. Mere gabe Doyan Al Kurunjen monj, dufayner dinenj hime.

<sup>13</sup> Irde denj hañ bana goñ ninj bere wor unjbe Yesu ma nurd untinj gore berem goya hireñ po yen nuryenbe bere gore unj yilwa ma iryen.

<sup>14</sup> Gobe al kura Yesu ma nurd unenj hi goyen berembe Yesu nurd untinj hi goke tenbe kame Yesu ninj dufayminj tareñ irkeb Al Kurun belen wukkek iryen geb, gago dinenj hime. Bere kura Yesu ma nurd untinj hi wor unjbe Yesu nurd unenj hi goke tenbe Yesu ninj dufayminj saninj irkeb Al Kurun belen wukkek iryen. Gwahade monj

manhan ire unya gote dirneñ weñbe Al Kurun diliñde wukke ma hewoñ. Goyenbe naniñ ma miliñ kura Al Kurun diliñde wukke hitiñ geb, dirneñ weñ wor wukke hitiñ hañ.

<sup>15</sup> Gega Yesu niñ ma nurtiñ kura belen uñ wet ma berem wet go tubul tiye yeke goya utañ ma irnayiñ. Yesu niñ ma nurtiñ kura belen uñ wet ma berem wet Yesu niñ nurtiñ go takira tike goke kandukneñ ma nuryeñ. Igiñ duliñ hiyeñ. Gega Al Kurun belen neñ gayen bininiñ yisikamke igiñ po hinayiñ yeñ hoy diriñ geb, bertiñ wet ma almetiñ wet Yesu niñ ma nurtiñ goya bur ma yeñbe awalikde hiriryen.

<sup>16</sup> Deñ Yesu niñ nurtiñ bere, deñ ge teñ almetiñbe Yesu niñ dufaymiñ tareñ irke Al Kurun belen yawaryeñ daw yeñ ma nurde hañ? Irde deñ Yesu niñ nurtiñ al, deñ ge teñ bertiñbe Yesu niñ dufaymiñ tareñ irke Al Kurun belen yawaryeñ daw yeñ ma nurde hañ? Niñgeb Yesu niñ nurtiñ kura belen uñ wet ma berem wet goyen Yesu niñ ma nurtiñ goke teñ tubul ma tiyyeñ.

*Al Kurun belen gwahade hinayiñ yeñ hoy dirtiñ gwaha mat po hinayiñ*

<sup>17</sup> Goyenpoga deñ dunkenen dunkenen goyen gwahade hinayiñ yeñ Al Kurun belen hoy dirtiñ, irde Doyañ Al Kurun belen goke momoñ dirtiñ gwaha mat po hinayiñ. Saba gabe Yesuyen alya bereya tumnañ gama irde hinayiñ yeñ gago saba dirde hime.

<sup>18</sup> Niñgeb al kura Al Kurun belen hoy iryñ goyenter bikken guba yitiñ kenem al go guba yeñ

ulij delñeñ yañ hitiñ go daha mat bikkeñ guba ma yenya hiyen gwahade hewe yeñ kurut ma yiyyeñ. Irde al kura Al Kurun beñeñ hoy iryiñ goyenter guba ma yitiñ kenem guba yeñ yeñ ge kurut ma yiyyeñ.

<sup>19</sup> Guba yitiñ ma, guba ma yitiñ gobe Al Kurun diliñdebe det kurun moñ. Munañ Al Kurunyen saba gama ird irdbe det kurun wor po.

<sup>20</sup> Niñgeb Al Kurun beñeñ hañkapyä dahade hikeya hoy dirtiñ gwahade po hinayiñ.

<sup>21</sup> Niñgeb deñ hañ bana goñ al kura al hoyañ yufukde heñ duliñ meteñ teñ hikeya Al Kurun beñeñ hoy diryiñ kenem daha tiye tiye ma tiyyeñ, gwahade po hiyeñ. Gega dufaymiñde heñ heñ belñeñ kura kinyeñ gobe igiñ gwaha tiyyeñ.

<sup>22</sup> Al kura al hoyañ yufukde heñ meteñ al dulñeñ hikeya Doyañ Al Kurun beñeñ hoy irde tiriñ al gobe Doyañ Al Kurun diliñde meteñ al dulñeñ moñ yeñ kinyeñ. Irde gwahade goyen po, al kura meteñ al dulñeñ moñ, yingende dufayde kuñ hikeya Doyañ Al Kurun beñeñ hoy irde tiriñ al gobe meteñ alne yeñ kinyeñ.

<sup>23</sup> Dende mata bulun gote murun gem dindiken yawartek goyen Doyañ Al Kurun beñeñ yawareñ yeñbe darim wok irde kamiñ geb, megen niñ marte mata bulun gama irde go yufukde ma hinayiñ.

<sup>24</sup> Niñgeb, kadne yago, sopte dineñ hime. Al Kurun beñeñ deñ dunñkureñ dunñkureñ dahade hikeya hoy dirtiñ gobe gwahade po hinayiñ.

<sup>25</sup> Be, deñ hañ bana goñ al kura berem moñya bere un miñmoñya niñ momoñ direñ tihim. Alya

bereya gwahade goyen goke Doyan Al Kurun belen mere ma nirtin geb, dufayner momon diren. Nebe Doyan Al Kurun belen buninen nirde hiyen al ningeb, mere diren tihim gabe fudinde yen nurnayin.

<sup>26</sup> Be, ga hite nalu gayenterbe kanduk kurayen kurayen yenen yenen nalure hite. Ningeb hen henjin dahade hanjen gobe gwahade po hinayin.

<sup>27</sup> Ningeb al kura berem yan kenem takira tiye tiye ma tiyyen. Munan al kura berem mon kenem bere tewe tewe ma tiyyen.

<sup>28</sup> Goyenbe bere tiyyen gobe mata bulun mon. Gwahade goyen po, bere fonen kura al kuyen go wor mata bulun mon. Gega al bere tiyyen irde bere un minyan hiyyenbe megen gar nin kanduk kurayen kurayen yenen hinayin. Den goyen kanduk ma yenen hiwon yen nurdeb gago momon dirde hime.

<sup>29</sup> Kadne yago, ga dinen hime gate minbe gahade: megen gar hen henininbe ulyande mon geb, al kura berem yan gobe al berem mon belen Al Kurun nin po nurde hanjen go gwahade goyen ten hiyen.

<sup>30</sup> Irde al kura kanduk yenen esen hiyen gega, kanduk go sobamde ma hiyen yen nurdeb goke uguj po ma dufay hen hiyen. Munan al kura aman hiyyen gega, aman dufay go huginen gwahade po ma hiyen geb, "Gahade po hen," yen ma nurde hiyen. Irde al kura det damu tiyyen wor, "Det gabe huginen kerde hen," yen ma nurde hiyen.

<sup>31</sup> Irde det megen nin han kurun gayen manan

gahade po ma hinayiñ geb, al kura megen niñ det yade meten yunen henjabe det go hende po biñ hek ma irde hiyen.

<sup>32</sup> Niñgeb daha tiniñ tiniñ ten dufaytiñ hi-burneñ ma hiwon yen nurde hime. Al kura berem mon gobe dufayminde daha mat meten timeke Doyan Al Kurun amanen nurde hiyen yenbe gwaha mat po meten ten hiyen.

<sup>33</sup> Gega al kura berem yanbe daha timeke gab berne amanen nurde hiyen yenbe goke po kurut yen hiyen. Go ten hi gobe megen niñ mata niñ ug po dufay hen hen mata go goyen.

<sup>34</sup> Gwaha tikeb Doyan Al Kurun belen amanen nurtek belen niñ dufay hen henminbe kenkela kipirtiñ ma hi. Be, bere kura un minmonya bere fonenyabe Doyan Al Kurun niñ po nurde ulinya dufayminya tumnan Doyan Al Kurun po unen hanyen. Munan bere kura un minyanbe daha timeke gab almene amanen nurde hiyen yenbe goke po kurut yen hiyen. Go ten hi gobe megen niñ mata niñ ug po dufay hen hen mata go goyen.

<sup>35</sup> Mere ga dirde hime gabe faran durmeke hen henitiñ igiñ hewon yen dineñ hime. Kanduk dunhem yen ma dineñ hime. Mere gahade ga dirmeke gab matatiñbe Doyan Al Kurun dilinde huwak wor po hiyyen, irde yen ge ten meten ten ten niñ kama ma hen sanin po meten ten hiwon yen nurdeb gago dineñ hime.

<sup>36</sup> Goyenpoga al fonen kura bere tubul ten untek yen merem titiñ goreb merene gayen nurdeb, “Polyen mere gobe fudinde. Goyenpoga meremin gama irde bere ga tewen monbe dufaymin bulun

ireñ geb teweñ,” yeñ nuryeñbe bere go tiyyeñ.\* Mata gobe buluñ moñ. Irde hiyeñ kuruñ gobe bere go tubul titek ma irde hike kenem bere go tiyyeñ. Mata gobe buluñ moñ geb, gwaha tiyyeñ.

<sup>37</sup> Gega al kura bikkeñ bere tubul teñ untek yeñ merem titiñ gega, al gore, “Igiñ nuñkureñ heñ,” yeñ dufay tareñ po irdeb, “Bereya heñ heñ dufay ma forok yeñ hi, irde dufay gwahade kura forok yeke igiñ fole irde heñ,” yeñ nurdeb bere ma teweñ yeñ dufay kiryeñ goyen wor mata igiñ yeñ nurde hime.

<sup>38</sup> Niñgeb al bere yad yad matabe igiñ. Gega al kura berem moñ hiyyeñ mata gobe igiñ wor po, bere yad yad mata gote folek.

<sup>39</sup> Be, bere kura uñ miñyañbe uñ go hikeyabe yeñ yufukde po hiyeñ. Gega uñ go kamkeb bere uñ yañbe al hoyañ ma tiyyeñ yitiñ mere gote yufuk bana ma hiyeñ geb, al hoyañ tewe yeñbe igiñ tiyyeñ. Goyenpoga Doyañ Al Kuruñ nurd untiñ al po ga tiyyeñ.

<sup>40</sup> Goyenbe dufaynerbe bere go uñ kamke uñkureñ heñ heñ gobe igiñ wor po. Gogab uñ niñ nurde hiyeñ gwahade ma teñ Doyañ Al Kuruñ niñ po nurde hiyeñ. Mere dirde hime gabe Holi Spirit beleñ nineñ hike dineñ hime yeñ nurde hime.

## 8

### *Det tonen yirde binje galak yirtin binjebe daha*

---

\* **7:36:** Grik mere mat miñ kurabe gahade: Goyenpoga al kura beleñ wirin al kutek nurke beleñmiñ pet teñ hike kuñ kuñ alik heweñ tike keneñbe buluñ irde hime yeñ nurdeb al kere yeñ nuryeñbe gwaha po iryeñ. Mata gobe buluñ moñ.

*yirtek?*

<sup>1</sup> Be, megen niŋ mar belen det toneŋ yirde doloŋ yirde biŋge galak yirtin goke momoŋ direŋ tihim. Deŋbe dindiken ge yeŋbe, “Neŋbe det kawan niŋya banare niŋya goyen keŋkela bebak teŋ hite,” yeŋ nurde haŋ. Goyenbe gwahade nurde haŋ goke teŋbe dindiken ge turuŋ turuŋ teŋbe kadtin yago buluŋ yirde haŋ. Gega kadtin yagoŋ amaŋen nurd yunen hinayinbe kadom faraŋ gurd teŋbe tumŋaŋ saŋin henayin.

<sup>2</sup> Al kura yinŋen ge yeŋbe, “Nebe det kawan niŋya banare niŋya goyen keŋkela wor po bebak teŋ hime,” yeŋ nurde hi al gobe yinŋen goyen po usi irde hi. Irdeb Al Kurunyen mere fudinde yinŋen nurde bebak titek goyen bebak ma titin hi.

<sup>3</sup> Goyenpoga al kura biŋde mat Al Kurun niŋ amaŋen nurde unen hi al gobe Al Kurunyen dufay igin kurun goyen untin hi.

<sup>4</sup> Niŋgeb det toneŋ doloŋ yirnin yeŋ galak yirtin biŋge goke momoŋ direŋ tihim. Be, det toneŋ megen niŋ mar belen doloŋ yirde hanŋen gobe Al Kurun moŋ geb, det fudinde gogo moŋ. Al Kurunbe yeŋ unŋkuren po, hoyan kura ma hi. Hubu wor po.

<sup>5</sup> Gega megen niŋ marbe dufaymin soŋ hekeb unŋgura kurayen kurayen gobe Al Kurun yeŋ nurdeb, “Al Kurunbe budam haŋ. Doyan Mar wor budam haŋ. Kurabe nanŋinŋe haŋ, kurabe megen haŋ,” yeŋ hanŋen.

<sup>6</sup> Goyenpoga Al Kurunbe unŋkuren po, neŋ nurd unen hite gog po hi. Yeŋbe Adoninin. Yeŋ belen



po gab nanɔɔnya megenya irde det kurunɔ gayen yiryin. Irde nenɔbe yen ge ten megen gar hite. Irde Doyan Al Kurunɔ wor unɔkurenɔ po hi. Yenɔbe Yesu Kristu. Yesu Kristube Al Kurunɔ belen inke nanɔɔnya megenya det kurunɔ gayen yiryin. Nen wor yen belen forok diryin.

<sup>7</sup> Goyenbe mere fudinde gayen al budambe kenkela bebak ma ten han. Ningeb den han bana gon al kurabe hakot Yesu nin ma nurde hin hanya unɔgura dolon ird ird mata ten hinhan geb, gayenter Yesu nurd unen henya wor unɔgura galak yirtin goyen nenebe, “Nenɔbe unɔgura galak yirtin binɔge goyen gago nene hite,” yen nurde binde kanduknen nurde han yen. Mel gobe binde wukkek wor po mon geb, “Binɔge ga nihit garebe Al Kurunɔ dilinde wukkek ma hihit,” yen nurde han.

<sup>8</sup> Gega binɔge nen nen mata gore kura nen gayen Al Kurunɔnya awalik hen hen ninin goyen daha kura ma iryen. Ningeb unɔgura galak yirtin binɔge netek ma go ma netek gore kura Al Kurunɔ dilinde daha wet kura ma diryen.

<sup>9</sup> Goyenpoga monɔgo mata kura Al Kurunɔ dilinde bulun mon goyen hipirken nurdeya mata ten hinayin gore kad tin kura Al Kurunɔyen mere binde taren wor po ma hitin al gote dufaymin goyen bulun irke katyenkek geb, kenkela dufay hen ga mata ten hinayin.

<sup>10</sup> Den Al Kurunɔyen mere kenkela bebak titin marbe igin kun unɔgura dolon ird ird gasunde hen dula ten kun hinayin. Gega den belen gwaha ten hike den han bana gon nin kad tin kura bin

wukkeek wor po moŋ gore denenbe, “Neŋ wor igiŋ daw gwaha titek,” usi tenbe binje go nene gab mata buluŋ tihit yeŋ kandukneŋ nurdeb katnayiŋ.

<sup>11</sup> Irkeb denbe kadtiŋde dufaymiŋ tareŋ wor po moŋ goyen buluŋ ird ird mar henayiŋ. Yeŋ ge ten Yesu Kristu kamiŋ gega, den beleŋ buluŋ yirnayiŋ.

<sup>12</sup> Deŋ beleŋ gwaha mat kadtiŋ goyen buluŋ yirde mata buluŋ ten hinayiŋ, irde biŋ wukkeek wor po moŋ goyen haga irde hinayiŋ gobe yeŋ hitte po moŋ, Yesu Kristu hitte wor mata buluŋ ten hinayiŋ.

<sup>13</sup> Niŋgeb nebe dapŋa kura nemeke gore kadne dufaymiŋ buluŋ irke mata buluŋde katyeŋ kenem dapŋa go sopte ma po neweŋ. Gogab kadne go mata buluŋde ma katyeŋ.

## 9

### *Ne Pol wor Yesuyen mere basaŋ al aposel*

<sup>1</sup> Be, deŋ beleŋ ne niŋ yeŋ, “Dufaymiŋde epte ma det kura iryeŋ,” yeŋ nurd nuneŋ haŋ? Irde ne gayen Yesuyen mere basaŋ al aposel moŋ yeŋ haŋ? Irde Doyaŋ Al Kuruniniŋ Yesu Kristube ma kinyiŋ yeŋ nurde haŋ? Goyenpoga Doyaŋ Al Kurunyen saŋiŋde meten timiriŋ gote iginenbe deŋ gogo moŋ? Goyenbe daniŋ gwaha yeŋ haŋ?

<sup>2</sup> Be, deŋ haŋ bana goyen al kura beleŋ, “Polbe aposel moŋ,” yeŋ haŋ. Irde al hoyan beleŋbe, “Polbe neŋ ge ma aposel hiriŋ,” yeŋ haŋ. Nebe meremiŋ goke ma nureŋ gega, deŋ ge ten aposel himiriŋ geb, denbe epte ma gwaha ninnayiŋ.

Al hoyañ belen den denenbe, “Fudinde, Polbe Doyañ Al Kurun belen aposel iryin,” yen nurd nunen hinayin.

<sup>3</sup> Be, den han bana goyen al kura belen gwaha mat tagal nunen han geb, goyen wol hen momon diren tihim geb.

<sup>4</sup> Be, nen aposel belen meten ten hiteke goke Yesuyen alya bereya belen bingeya feya dunke netek gobe bulun?

<sup>5</sup> Yesuyen mere basan mar hoyanya Doyañ Al Kurun Yesu kulin wenyabe Pitaya\* wor berem yagoya irde tumnan meten ten kun hanjen. Munan nenbe berninin yago dufaymin Yesu nin taren irtin goya meten ten kun hitekbe bulun yen nurde han?

<sup>6</sup> Irde aposel hoyan po paka yirde hanjen gega, Banabasya neya nin yenbe, “Yingen ga tarenminde bingeneb meten ten hiriryen,” yen nurde han?

<sup>7</sup> Be, fulen mar fulenare kun henyabe ganun kura yingen de horare bingede damu ten nene hanjen? Irde al ganun kura wain harke iginen hekeb kura ma nen hiyen? Irde al ganun kura sipsipmin doyan yirde hiyen gega, sipsip gote mamu kura ma gilyan hen nene hiyen? Epte ma gwaha tiyyen.

<sup>8</sup> Mere ten hime gabe alyen dufayde po ma mere ten hime. Moseyen sabare wor mere gwahade po hi.

<sup>9</sup> Be, Moseyen sabarebe, “Al kura wit metenmin sak yeke metende nin dapna bulmakawmin gore,

---

\* 9:5: Denjem hoyanbe Sifas.

‘Faraŋ nuri,’ yeŋ metenminde tukunya ga, ‘Witne niyyenkek,’ yeŋ mohonj mala ma tiyyen,” yitiŋ hi. Mere gobe Al Kurunj belen bulmakaw niŋ po nurdeb gogo yiriŋ?

<sup>10</sup> Mere gwahade tiyyiŋ gobe fudinde wor po neŋ gake nurdeb mere gogo tiyyiŋ yeŋ ma nurde haŋ? Mere gobe neŋ gake yiriŋ. Megen waru uryen al goya wit sikkenj kok yiryen al goya tumŋande metenj tiyiryen gote murunjem kura muŋ yawaryen yeŋ nurdeya metenj tiyiryen geb, Al Kurunyen mere gobe neŋ al gake yiriŋ.

<sup>11</sup> Niŋgeb neŋ belen Holi Spirityen det igiŋ goyen bitiŋ bana tur yirtiriŋ geb, meteniniŋ gote murunjem binje niŋ gusuŋaŋ dirtek gobe kanduk kurunj wor po yeŋ nurnayiŋ?

<sup>12</sup> Al hoyan belen deŋ ge teŋ metenj dirnenj muŋ po titiŋ goke faraŋ durnan yeŋ igiŋ gusuŋaŋ dirtek kenem neŋ manan deŋ ge teŋ metenj kurunj wor po titiŋ goyen gote murunjem niŋ igiŋ gusuŋaŋ dirtek.

Goyenbe neŋbe faraŋ durnan yeŋ gusuŋaŋ ma dirde hinhet. Gwaha titnenbe mongo faraŋ durd durd gore Yesu Kristu niŋ yitiŋ mere igiŋ go deŋ bana kurunj heŋ heŋ belen pet tiyyen yeŋ nurdeb det kuranj nurde hinhet gega, gusuŋaŋ ma dirde goke ma nurdeya metenj teŋ hinhet.

<sup>13</sup> Be, deŋbe Al Kurunyen ya balem bana metenj teŋ hanjen marbe bana goŋ niŋ binje yade nene hanjen, irde Al Kurunj galak ird ird altare metenj teŋ haŋ marbe alta hende yirtiŋ binje goyen kura yade nene hanjen goyen go ma nurde haŋ?

<sup>14</sup> Gwahade goyen po, Doyan Al Kurunj niŋ yitiŋ mere igiŋ goke tagalde haŋ marbe mere go nurde

gama irde hanj mar belen faranj yurke go hende henj metenj tenj hinayinj yenj Doyanj Al Kurunj belenj mere saninj po tiyyinj.

<sup>15</sup> Nebe Doyanj Al Kurunj belenj yirinj gwahade po iginj faranj nurnanj dinmewonj gega, gwaha ma dinenj himyen. Irde mere gahade kanj dunenj hime gabe denj belenj gwaha mat paka nirde hinayinj yenj ma kanj hime. Nebe denj ge tenj Doyanj Al Kurunjen metenj tenj henya gote murungem ninj gusunanj ma dirde hinhem geb, goke iginj nigenj ge turunj turunj titek hime. Ninjgeb faranj nurd nurd ninj al kura ma po gusunanj irenj. Kamde ga daw gwaha tiyenj.

<sup>16</sup> Be, Yesu ninj yitinj mere iginj go tagalde kunj henjabe nigenj ge turunj turunj tenj hitek himyen dinhem gega, epte ma nigenj ge turunj turunj titek himyen. Mere iginj tagal tagal gobe Al Kurunj belenj nunyinj geb bada hetek monj. Ninjgeb metenj tenj himyen goke nigenj ge epte ma turunj turunj titek himyen. Munanj mere iginj go bada henj tagalde ma himyen manhan Al Kurunjen bearar bana himewonj!

<sup>17</sup> Mere iginj goyen tagal tagal ninj wilaknenj nurde tagalenjbe gote murungem tewenj. Gega metenj tenj henj gote murungem ma tewenj wor Al Kurunj belenj gwaha tenj hayinj nintinj geb, gago metenj go tenj hime. Metenj gobe gwaha tiyayinj nintinj geb, bada hetek monj.

<sup>18</sup> Be, gwahade kenem metenj tenj hime gote murungembe da tewenj? Metenj tenj hime gote murungembe hoyanj monj. Ne belenj metenj gote murungem tetek gobe Yesu ninj yitinj mere iginj goyen damum monj dulinj po alya bereya hitte

tagalde himyen gogo po. Fudinde, nebe mere igin go tagalde hime goke ten paka nirnan yinen hitek gega, gwaha ma yinen himyen.

<sup>19</sup> Be, nebe dufayner igin nurdeb gwaha ten himyen. Megen nin al kurate dufayde ma ten himyen. Gega daha mat kura al tumnan Yesu hitte yukumewon yen nurdeb nigen al buda kurun gote yufukde hen meten ten himyen.

<sup>20</sup> Gwahade ningeb, Yuda marya henbe go mar go Yesu hitte yuken yenbe yende mata gama ird ird al yara hen himyen. Yuda mar gobe Moseyen saba gote yufukde hen go po gama irde hanjen. Munan nigenbe go yufukde ma hime geb, gore epte ma daha wet kura niryen gega, go mar go Yesu hitte yuken yen nurdeb Moseyen saba gote yufukde hime yara ten himyen.

<sup>21</sup> Munan Yuda mar mon al min hoyan Moseyen saba ma gama irde han mar go wor Yesu Kristu hitte yuken yenbe Moseyen saba ma gama irde hitin al yara hen himyen. Nigenbe Moseyen saba gote yufukde ma hime. Goyenbe Al Kurunyen saba pel irde hime yen ma yen hime. Gwahade yarabe Yesu Kristuyen saba gote yufukde po hime.

<sup>22</sup> Irde Yesuyen alya bereya kura Al Kurunyen mere hende tarej wor po ma huwarde hitin mar go Yesu hitte yuken yenbe go mar goyen yara po hen himyen. Ningeb al dahade mar hitte kun meten ten kun henyabe go mar goyen yara po hen meten ten himyen. Gogab daha mat wet kura go mar goyen kura Yesu hitte yukumewon yen gogo gwaha ten himyen.

<sup>23</sup> Gwaha ten himyen kurun gobe Yesu nin yitin

mere igin goke al momon yire yenbe gwaha ten himyen. Gwaha ten himeke gab al belen mere igin go nurdeb yen wor nen yara hekeb tumnan Al Kurun belen guram yirtek hewon yenbe gogo gwaha ten himyen.

<sup>24</sup> Be, kup yen yen kari gote matabe nurde han gogo. Al budam min urde kup yenayin gega, al unkuren belen po kadam fole yirde kun pasi iryen al gore mun po gab gote murungem tiyyen. Ningeb den wor Doyan Al Kurunyen meten ten henyabe meten gote murungem goyen tetewon wor po yen nurdeb taren po meten ten hinayin.

<sup>25</sup> Kup yen yen karire kup yen han mar ma, kari hoyande kari ten han marbe karire kun gote murungem tini wor po yen nurdeb yingen sanin yird yird nin ulin kutna irde hanyen. Mel gobe kari gote murungem ulyande ma hitok goke wor gogo kurut wor po yen han. Goyenpoga nen belen taren hen hen nin kurut yen hityen gobe Doyan Al Kurunyen meten gote murungem huginen hitok go tini yenbe taren hen hen nin kurut yen hityen.

<sup>26</sup> Ningeb mel gore kup yen hanyen gobe Al Kurun dilinde min minmon gega, ne belen al kup yen han gwahade sanin po meten ten himyen gobe Al Kurun dilinde min minyan. Fuleya ten ten karire kari ten hanyen marbe asogom kenkela yenenya gasa yirde hanyen gwahade goyen po, ne wor meten gote min kenkela nurdeya meten ten himyen, mali ma meten ten himyen.

<sup>27</sup> Gwaha titnenbe meten goyen kenkela po timewon yen nurdeb megen nin dufay bulun

kura bener forok yeke gore bulun nirnak yenbe fole irde himyen. Monjo Yesu nin al hoyan momon yirdeb gote murungem tetekner, dufay bulun gore walde nunnak yenbe gogo dufay bulun goyen fole irde himyen.

## 10

### *Ungura doloŋ ird ird nin hayhay yiryin*

<sup>1</sup> Be, kadne yago, den goyen tareŋ heŋ heŋ ge kurut yeŋ hinayin dinhem goke keŋkela bebak tinaŋ yenbe neŋ Yuda marte asininin yago beleŋ mata tiyamin goke momon direŋ tihim. Niŋgeb mel gore mata tiyamin go nurdeb gote saba bitin sir ma yiyyeŋ. Be, bikkeŋ wor po asininin yagobe Isip naŋa tubul teŋ kunin yeŋ kuŋ heŋyabe tumŋaŋ kigarinŋin faykek yokŋa bana heŋ kuŋ hinhan. Irdeb makaŋ ala kurun goyen kahalte Al Kurun beleŋ pota irke megeŋ fudin forok yekeb goyaŋ mat kuŋ siŋa kurhan forok yamin.

<sup>2</sup> Mel go tumŋaŋ kigarinŋin faykek yokŋa bana heŋ kuŋ hinhan, irde makaŋ alayaŋ kwamin gobe Al Kurun beleŋ baptais yiryin yarabe gogo. Be, Al Kurun beleŋ gwaha yirdeb mel goyen Moseyen alya bereya yirkeb doyaŋ yirde hinhin.

<sup>3</sup> Be, goyenter Al Kurun beleŋ binŋe yunen hinhin gobe megeŋ nin binŋe mon.

<sup>4</sup> Irde fe nin yirke Al Kurun beleŋ hora kurunde mat fe forok irde yunke nene hinhan. Hora kurun gobe Al Kurun hitte mat katenbe Israel mar goya tumŋaŋ kuŋ hinhin. Hora gobe Yesu Kristu gote tunan.



<sup>5</sup> Al Kurunbe mel go igin igin gwahade yirde hinhin gega, al budam wor po mata bulun tej hike igin ma nurde yunen hinhin. Ningeb mata bulun tej hinhan mar go sawsawa po kurun nana bana gon kun henya kamamin.

<sup>6</sup> Be, mata bulunmin gote murungem tej kamamin gobe nej gayen baramin goyen nurdeb kafura hej mel gore tej hinhan gwahade ma tenbe dufayninin mata bulun tej tej nin ma kun hiyen yen gogo Al Kurun belen dikala diryin.

<sup>7</sup> Ningeb denbe mel goyen kuramin belen megen nin det tonej yirde dolon yirde hinhan gwaha ma tej hinayin. Mel gore mata bulun tej hinhan goke Al Kurunyen asande gahade katin: “Mel gobe det tonej dilin mar keperde dula tej kukuwa fe nen nen mata tej hinhan. Irde huwardebe Al Kurun nin ma nurd untin marte mata tej hinhan,” yitin hi.

<sup>8</sup> Be, mel goyen kuraminbe lelep mata tenbe nan kahal un kurenje po 23,000 alya bereya goyen kamamin. Ningeb nenbe go mar gore tiyamin gwahade ma tej hitek.

<sup>9</sup> Be, Israel mar goyen kurabe Doyan Al Kurun tunan urde bearamin bana hej kunere duwi belen yisike kamamin. Ningeb nenbe mel gore tiyamin gwahade Doyan Al Kurun tunan ma urtek.

<sup>10</sup> Irde hej henjin goke Doyan Al Kurun nin igin ma nurde ngak ma yen hinayin. Hakot Israel mar kura gwaha tikeb Al Kurunyen miyon, al gasa yird yird meten tej hiyen gore gasa yirke kamamin.

<sup>11</sup> Be, hakot Israel mar hitte mata gwahade

forok yitiŋ gobe gayenter neŋ beleŋ baraŋ go nurdeb bebak teŋ teŋ ge gogo forok yitiŋ. Irde baraŋ go asaŋde katiŋ gobe nalu funaŋ beleŋ hite mar gayen baraŋ go kapyan heŋbe mata buluŋ ma teŋ hinayiŋ yeŋ hayhay dird dird niŋ Al Kurunyen asaŋde katiŋ.

<sup>12</sup> Niŋgeb deŋ haŋ bana al kura beleŋ, “Nebe tareŋ hime geb, kanduk kura wayyen goyen epte fole irde heŋ,” yeŋ hi al gobe keŋkela heŋ ga hiyen. Moŋgo katyen geb.

<sup>13</sup> Alya bereya mata buluŋde yukutek kanduk deŋ hitte forok yeŋ hanyen gobe al hoyan hitte wor forok yeŋ hanyen goyen po forok yeŋ dunen hanyen. Goyenpoga Al Kurunbe yiriŋ gwahade po mata teŋ hiyen geb, deŋ beleŋ epte ma fole irtek kandukbe epte ma deŋ hitte yubul tike forok yeŋ hinayiŋ. Munan kanduk kura deŋ hitte forok yekeb kanduk go fole yirtek belneŋ manan kerd dunyen. Gogab deŋ goyen kanduk bana goŋ hinayiŋ gega, kanduk goyen igiŋ fole yirde saŋiŋ po huwarde hinayiŋ.

*Epte ma tumŋaŋde Al Kurunya unŋuraya gama yirtek*

<sup>14</sup> Be, kadne yago, megen niŋ det yade det tonen yirde doloŋ ird ird mata gob tubul po tinayiŋ.

<sup>15</sup> Deŋ goyen dufaytiŋ wukkeŋ yeŋ nurdeb gago mere dirde hime. Niŋgeb dindikeŋ gabe mere direŋ tihim gayen igiŋ ma buluŋ goyen kenen bebak tinayiŋ.

<sup>16</sup> Be, neŋbe Yesu Kristu beleŋ neŋ ge teŋ darim wok irde kamyiŋ goke dufay heŋ heŋ niŋ gabu irde wain fiŋiŋ teŋbe Al Kurun igiŋ

nurde unenbe nene hityen. Gwaha ten hite gobe Yesu Kristu kamkeya darim wok yitin goyen nen tumnan gale hen nene hite yara geb, gore dawan gabu dirkeb al min unkuren hen hityen gogo. Irde nen ge ten Yesu Kristu kamyin goke dufay hen beret ubala ten gale hen nene hityen gobe Yesu Kristu kamkeya gason erek yitin goyen nen tumnan gale hen nene hite yara geb, gore dawan gabu dirkeb al min unkuren hen hityen gogo.

<sup>17</sup> Ningeb nenbe al min hoyan hoyan gega, beretbe hoyan hoyan mon, unkuren po nene hityen geb, Yesuya awalik henbe al min unkuren po hitin hite.

<sup>18</sup> Be, Israel mar bikken mata ten hinhan goyen goke nurnayin. Dapna gasa yirde Al Kurun nin galak irtin goyen nene hinhan marbe Al Kurunya gabu irde unkuren hitin hinhan.

<sup>19</sup> Ningeb binje det toney yirtin goyen galak yirtin gobe det kurun geb gogo diney hi yen nurde han? Irde al belen det toney yirtin goyen dolon yirde hanjen gobe det kurun wor pobe gogo yen nurde han?

<sup>20</sup> Mon! Al Kurun nin ma nurde han mar belen megen nin det toney yirde galak yirde hanjen binje gobe ungura galak yirde hanjen, Al Kurun ma galak irde hanjen. Ningeb denbe unguraya awalikde ma hiwon yen nurde hime.

<sup>21</sup> Denbe Doyan Al Kurun kamyin goke dufay hen hen ge wain fimin nene hanjen. Ningeb den go mar gore po ungura nin nurde dolon yird yird gasunde kun gor nin wain ma nenayin. Denbe Doyan Al Kurun kamyin goke dufay hen hen ge

binje nene hanjen. Niñgeb den go mar gore po kuñ unğura dolon yird yird gasunde niñ binje goyen ma nenayin.

<sup>22</sup> Neñbe Doyañ Al Kurun belen biñ ar wor po yiwi yeñ kuñ unğura galak yirtin binje netek? Nende tarenbe Doyañ Al Kurunyen taren folek geb, epte ma bulun diryen yeñ nurde gwaha ten hitek? Epte moñ.

### *Al Kurun turun irde hitek*

<sup>23</sup> Be, den hañ bana al kura belen, “Neñbe mata kura tinin yeñbe igin ala titek,” yeñ hanjen. Gega mata go tinayin gore huginen igin dirnayin yeñ ma nurde hinayin. Niñgeb nebe mata kura tiye yeñbe igin ala tiyen gega, mata gore epte ma nanarde boñ yiyen.

<sup>24</sup> Gwahade niñgeb det kura dindiken igin dird dird goke ma nankenen hinayin. Gwaha titneñbe det kura kadtin igin yirtek goke nankenen hinayin.

<sup>25</sup> Niñgeb maketde kuñ igin dapña damu ten nene hinayin. Goyenbe mata bulun tihit yeñ nurtek dufay ma forok yeñ yeñ ge tenbe, “Binje gabe unğura galak yirtin we?” yeñ gusunañ ma yirde mali po damu ten nene hinayin.

<sup>26</sup> Megenya det kurun megen hañ tumñan goyenbe Doyañ Al Kurunyen ala po geb, gogo igin ala nene hinayin.

<sup>27</sup> Niñgeb al kura Yesu niñ ma nurtin gore dula ten ten niñ hoy dirke kuniñ yeñ nurdeb kuñ yenya binje nenayin. Gega mata bulun tihit yeñ bitinde kanduknen nurtek dufay ma forok yeñ

yeŋ ge teŋbe, “Biŋge gabe uŋgura galak yirtin?” yeŋ gusuŋaŋ ma yirnayin.

<sup>28</sup> Munan al kura beleŋ, “Biŋge gabe uŋgura galak irtin,” dinkeb ma nenayin. Gogab al kura gwaha dinyeŋ al gote dufay buluŋ ma irnayin, irde mata buluŋ tihit dufay wor forok ma yiyyeŋ.

<sup>29</sup> Mata buluŋ tihit dufay biŋde mat forok yeŋ yeŋ ge yeŋ hime gobe dende niŋ ma yeŋ hime, al hoyande niŋ goke yeŋ hime.

Be, goyenbe al kurabe gaha yeŋ hanŋen: “Neŋbe bininiŋde mat wukkeŋ wor po nurdeya mata kura igin ala titek. Gega daniŋ al hoyan beleŋ denenbe mata buluŋ tahaŋ yeŋ dennak yeŋ kama heŋbe gwaha ma tiniŋ?

<sup>30</sup> Neŋbe biŋge kura goke Al Kurun igin nurde uneŋ gab nene hitek gega, daniŋ al hoyan beleŋ biŋge netek goke ulniniŋde merem yaŋ dirnayin? Goke igin ma nurde hite,” yeŋ hanŋen.

<sup>31</sup> Niŋgeb mere gwahade gokeb gaha dinen: biŋge ma fe yara kura ninin yeŋbe Al Kurun deŋem turnuŋ yaŋ hiyyeŋ mat nene hinayin. Niŋgeb mata kura tiniŋ yeŋ nurde hinayin goyenter wor Al Kurun deŋem turnuŋ yaŋ hiyyeŋ mat po mata teŋ hinayin.

<sup>32</sup> Mata teŋ hike Yuda mar al kura ma Grik mar al kura ma Yesuyen alya bereya bana go niŋ al kura beleŋ denenbe dufaymin buluŋ heke mata buluŋ tinak geb, matabe nurdeya ga teŋ hinayin.

<sup>33</sup> Ne wor meten teŋ kuŋ himyen kurun gobe al tumŋaŋ matane keneŋ amanen nurnayin mat mata teŋ himyen. Gwaha teŋ himyen gobe nigen igin heŋ heŋ niŋ ma gwaha teŋ himyen.

Al hoyañ budam igin heñ heñ nin gwaha ten himyen. Gogab yeñ goyen Al Kurun belen yumulgan tiyyen yeñbe gwaha ten himyen.

## 11

<sup>1</sup> Niñgeb ne belen Yesu Kristuyen mata po gama irde himyen gwahade goyen po, den wor ne mata ten himyen gayen gama irde hinayiñ.

### *Bere tonañ aw yurd yurd mata*

<sup>2</sup> Be, denbe hanjen kurun goyen hugiñen ne nin bitin sir ma yeñ hi. Irde neñ Yesuyen alya bereya belen ten hityen mata goyen momon dirmirin goyen gama po irde han. Niñgeb goke turun dirde hime.

<sup>3</sup> Goyenbe saba kura den belen kenkela nurwon yeñ nurde hime. Saba gobe gahade: al tumñan gote doyañ albe Yesu Kristu, irde berer doyañ marbe un yago. Yesu Kristuyen doyañ albe Al Kurun.

<sup>4</sup> Niñgeb den han bana goyen al kura belen Yesuyen alya bereya gabu irde hinayiñde gor heñ bere belen ten hanjen yara amil ten tonañ aw urde Al Kurun mere iryen irde kurabe Al Kurunjen mere basañ al porofet yara mere tiyyenbe al goreb Doyañ Almiñ Yesu Kristu denem bulun iryen.

<sup>5</sup> Irde den han bana goyen bere kura belen Yesuyen alya bereya gabu irde hinayiñde gor al belen mata ten hanjen yara amil ten tonañ aw ma urde Al Kurun mere iryen irde kurabe porofet yara mere tiyyenbe bere goreb doyañ almiñ un goyen denem bulun iryen. Bere go tonañ aw ma

uryeñ gobe tonañ walde kara tiyyeñ go gwahade yara geb, memyak wor po.

<sup>6</sup> Niñgeb bere kura Al Kurun dolon irniñ yeñ gabu irnayinde tonañ aw ma urde kuyeñ gobe bere gote tonañ yuwalñeñ walde kara tiyyeñ. Munañ tonañ gwaha iryeñ gobe memyak yeñ nurdeb bere gobe tonañ aw urde kuyeñ.

<sup>7</sup> Goyenbe albe Al Kurun beleñ yingeñ yara iryiñ, irde sañiñmiñ turñun yañ goyen al hitte mat kawan heñ hi, irde bere hitte matbe alyen tareñmiñ turñun yañ goyen kawan heñ hi geb albe tonañ ma aw uryeñ.

<sup>8</sup> Fudinde, hanƙapya wor po albe bere hitte mat ma forok yiriñ, berebe al hitte mat forok yiriñ.

<sup>9</sup> Albe Al Kurun beleñ bere niñ teñ ma iryiñ. Al niñ teñ bere gogo iryiñ.

<sup>10</sup> Niñgeb berebe amil beleñ tonañ aw urtiñde hiyeñ. Gwaha teñ hiyeñbe bere go al kurat yufukde hi yeñ kennayiñ. Al Kurunyen miyoñ wor gwahade kennayiñ.

<sup>11</sup> Goyenpoga mere dirhem gabe berebe det dirñeñ, munañ albe det kurun yeñ ma dinhem. Neñ Doyañ Al Kurun nurd untiñ mar bana alya bereyabe tunñande po. Niñgeb berebe al ma hike yeñ unƙureñ po epte ma hiyeñ, al wor bere ma hike yeñ unƙureñ po epte ma hiyeñ.

<sup>12</sup> Berebe al hitte mat forok iryiñ gwahade goyen po, al wor bere hitte mat forok yeñ hanñen. Gega alya bereya tumñañ gobe Al Kurun beleñ po yiryiñ.

<sup>13</sup> Niñgeb Al Kurun dolon irniñ yeñ gabu irde hinayiñde gor bere kura tonañ aw ma urdeya

Al Kurunj mere iryenj gobe iginj ma bulunj goyen dindikenj gab kenkela dufay henbe yenayinj.

<sup>14</sup> Det Al Kurunj belenj yiryinj kurunj gayen gate matare wor al kura tonanj yuwalhenj sobam henj bereyen tonanj yara hiyyenbe gobe iginj monj, memyak yenj nurde hite.

<sup>15</sup> Gega bere tonanj yuwalhenj sobam hiyyenbe iginj hoyanj yenj nurde hite. Tonanj yuwalhenj sobam gobe bere gote tonanj aw yurd yurd ninj Al Kurunj belenj iryinj.

<sup>16</sup> Al ma bere kura mere tihim gake iginj ma nurdeb neya kadom mohonj titek wet yenj nur-nayinj. Goyenpoga nejn banabe mata gwahade gobe hubu wor po. Yesuyen alya bereya Al Kurunjen dirnenj wenjbe mata gwahade goyen ma tenj hanjen.

*Yesu kamyinj goke dufay henj henj ninj dula tenj tenj mata kenkela tenj hinayinj*

<sup>17</sup> Be, denjbe Yesu kamyinj goke dufay henj henj ninj gabu irde dula tenj hanjende gorbe dindikenj bulunj hetek mata tenj hanjen. Munanj iginj henj henj matabe kura ma tenj hanjen, hubu wor po. Ningeb goke turunj ma dirde hime, irde gago saba direnj tihim.

<sup>18</sup> Mehenj mere direnj tihimbe gahade: denjbe Yesuyen alya bereya gega, gabu irde hanjen bana gonjbe mata kura kukuwam mat tike gore bipti forok irde hi yeke nurde himyen. Mere gobe tunnanj usi yenj ma nurde hime.

<sup>19</sup> Fudinde, ganunjbe Al Kurunj dilinje huwak hi, irde ganunjbe gwahade monj goyen kawan henj henj ge tenj denj hanj bana gonj dufaytinj munj kura



hoyan hoyan hinayin goyen epte ma ten sinja irtek yen nurde hime.

<sup>20-21</sup> Goyenpoga den bana gon bipti forok yitin goke dinen hime gabe den gabu irde Doyan Al Kurun kamyin goke dufay hen hen ge binje nene han goyenter kadtin ge ma doyan henbe dindiken ge po nurde dula ten han geb, gago dinen hime. Gwaha ten hikeb kurabe binje kamde hikeb kurabe wain kurun nene kukuwa hen han. Ningeb denbe, “Doyan Al Kurun kamyin goke dufay hen hen ge binje nene hite,” yen nurdeya binje nene han gega, gwahade mon yen nurd dunen hime.

<sup>22</sup> Goyenbe den goyen binjeya feya nen nen yatin minmon geb, gogo gabure gor po wan gab gwaha ten hanjen? Gwahade mon kenem Al Kurunyen dirnen wen Yesuyen alya bereyabe det dirnen yen nurde mali mali yirde han? Irde bana gon nin alya bereya kura horam mon mar goyen gwaha yirteke yingen buninen yirde memya hena mat mata ten han? Ningeb matatin goke daha dinen? Matatin goke turun diren? Epte mon!

<sup>23</sup> Be, hakot dula mata goke Doyan Al Kurun belen ninke ne wor momon dirmirin. Mere gobe gahade: Doyan Al Kurun Yesu goyen Yudas belen asogom haninde keren tiyyin wawun goya goyenbe Yesu belen beret kura tirin.

<sup>24</sup> Irdeb beret goke Al Kurun turun irde ubala tenbe, “Beret dunhem gahade gayen po, nebe den ge ten kame. Ningeb goke tenbe beret gabe gasonne geb, beret ga ten nena. Irde kame den wor ne nin bitin bak yen yen ge ten mata gahade

ga po teŋ hinayiŋ,” yiriŋ.

<sup>25</sup> Irde beret go neneb wain fimiŋ teŋbe beret teŋ yiriŋ gwahade po, “Al Kurun beleŋ mata bulunŋiŋ halde halde niŋ teŋ biŋa gergeŋ tiyyiŋ goke darine wok yiyyeŋ. Niŋgeb goyen goke wain gago dunhem geb, teŋ nenaŋ. Irde kame deŋ wor ne niŋ bitiŋ bak yeŋ yeŋ ge teŋ mata gahade ga po teŋ hinayiŋ,” yiriŋ.

<sup>26</sup> Niŋgeb gabu irde dula gwahade teŋ wain nen nen mata tiniŋ yeŋbe gwaha mat Doyaŋ Al Kurun beleŋ alya bereyat mata bulunmiŋ ge teŋ kamiŋiŋ goke al hoyan momoŋ yirde hinayiŋ. Gwaha tike kun kunbe kame Doyaŋ Al Kurun wayyeŋ.

<sup>27</sup> Niŋgeb al kura Doyaŋ Al Kurunyeŋ biŋgeya wainya nene henya Doyaŋ Al Kurunyeŋ alya bereya beleŋ dufay heŋ mata teŋ hanyeŋ mat ma nurdeya niyyeŋ al gobe Yesu beleŋ uliŋ misiŋ kateŋ darim wok irde kamiŋiŋ goyen kari kari iryeŋ geb, Al Kurun beleŋ goke mata bulun miŋyaŋ yeŋ kinyeŋ.

<sup>28</sup> Niŋgeb al kura Doyaŋ Al Kurunyeŋ biŋgeya wainya neweŋ yeŋ nuryeŋ al gobe yiŋgeŋde mataya dufayya keŋkela yeneŋ gab niyyeŋ.

<sup>29</sup> Munan al kura gwaha ma teŋ biŋgeya wainya gobe Doyaŋ Al Kurun kamiŋiŋ gote tunaneŋ yeŋ ma nurde ga mali niyyeŋ al gobe gote murun gem bulun wor po tiyyeŋ.

<sup>30</sup> Gwahade geb, deŋ han bana goŋbe al kura marbe yulkek han, kurabe garbam miŋyaŋ, irde kuratiŋbe kamaŋ gogo.

<sup>31</sup> Gega neŋbe dahade hite yeŋ nindiken keŋkela dufay heŋ mataniniŋ sope irde hitekbe

mata bulun gote murungem bulun ma tetek.

<sup>32</sup> Gega kurarebe Doyan Al Kurun belen mataniniñ goke kanduk duneñ hiyen. Gwaha ten hiyen gobe megen henya mataniniñ huwak hen hikeb kame nalu funande mata bulun marya tunnan hugiñen Al Kurunyen bearar bana hinak yenbe gogo gayenter kanduk duneñ hiyen.

<sup>33</sup> Niñgeb, kadne yago, Doyan Al Kurun niñ dufay hen hen ge gabu irde dula tiniñ yenbe kadam doyan gird ten hinayiñ.

<sup>34</sup> Al kura binje irkeb yaminde dula ten gabe Doyan Al Kurun niñ dufay hen hen dula gabure wayyen. Gogab den gabu irde hinayiñ bana gon mata bulun Al Kurun belen goke murungem bulun duntek goyen ma forok yiyyen. Be, Doyan Al Kurun niñ dufay hen hen ge dula ten ten mata niñ dinhem. Mata goke mere ma dirhem kura han gobe kame den hitte kun gab momon direñ.

## 12

### *Holi Spirityen sanjnde mata forok yen yen*

<sup>1</sup> Be, kadne yago, Holi Spirityen tarende mata forok yen yen goke momon direñ tihim. Holi Spirityen tarende mata forok yen yen goke bebak ma titinde po hinak yen igiñ ma nurde hime geb, kenkela bebak tinayiñ.

<sup>2</sup> Be, denbe hakot Yesu ma nurde unen hinhanyabe megen niñ det toneñ al belen po yirtin binfut minmon gote yufukde hen hugiñen dolon yirde hinhan gobe nurde han gogo.

<sup>3</sup> Niñgeb ga kenkela nurnan ko. Al kura Holi Spirit minyan belen epte ma, “Yesube Al Kurun

belen karan urwoŋ,” yiyyeŋ. Irde al kura Holi Spirit miŋmoŋbe epte ma, “Yesube Doyaŋ Al Kurunŋ,” yiyyeŋ. Holi Spirit miŋyaŋ al belen po gab epte gwaha yiyyeŋ.

<sup>4</sup> Be, Holi Spirityen saŋiŋde mata forok yeŋ yeŋ gobe budam kurayen kurayen haŋ gega, mata gote miŋ albe Holi Spirit, yeŋ unŋkureŋ po.

<sup>5</sup> Doyaŋ Al Kurunyen metenbe budam haŋ gega, metenŋ gote miŋ albe Doyaŋ Al Kurunŋ, yeŋ unŋkureŋ po.

<sup>6</sup> Irde metenŋ ten ten tarenŋ wor kurayen kurayen haŋ gega, metenŋ titek tarenŋ gote miŋ albe Al Kurunŋ, yeŋ unŋkureŋ po. Yeŋ belen po gab neŋ tumŋaŋ metenmiŋ kurunŋ goyen igiŋ ten hitek saŋiŋ goyen duneŋ hiyen.

<sup>7</sup> Be, neŋ dunŋkureŋ dunŋkureŋ hitte Al Kurunŋ belen Holi Spirityen tarenŋ kawan forok irde hi gobe neŋ tumŋaŋ tarenŋ dird dird niŋ gogo forok irde hiyen.

<sup>8</sup> Al kurabe Al Kurunŋ belen Holi Spirit hitte mat dufay wukkeŋ yuneŋ hiyen. Munanŋ al hoyan kurabe Holi Spirit unŋkureŋ goyen hitte mat po Al Kurunyen dufay banare niŋ goyen yuneŋ hiyen.

<sup>9</sup> Irde al kurabe Holi Spirit unŋkureŋ goyen hitte mat po Yesu niŋ hekkeŋ wor po nurtek saŋiŋ go yuneŋ hiyen. Irde al hoyan kurabe Holi Spirit goyen hitte mat po al garbam miŋyaŋ sope yird yird tarenŋ yuneŋ hiyen.

<sup>10</sup> Irde al kurabe mata tiŋeŋ tonŋeŋ yaŋ wor po forok yird yird tarenŋ yuneŋ, al hoyan kurabe Doyaŋ Al Kurunyen mere basan heŋ heŋ mar yirde hiyen. Munanŋ al kurabe mataya mereya

kura kenenbe gobe Holi Spirit hitte mat watin ma unğura hitte mat watin goyen bebak tej tej sañin yunen hiyen, irde al hoyan kurabe naja hoyande nin mere kurayen kurayen yingenbe go ma nurtin mere tej tej tareñ yunen hiyen. Munan kurabe mere hoyan mat yekeb mere gote min tagal tagal tareñ yunen hiyen.

<sup>11</sup> Mata gwahade forok yeñ hanyen kurun gobe Holi Spirit, yeñ unkuřen gote meten. Holi Spirit hoyan gam mon. Yeñ beleñ sañinmin kurayen kurayen goyen dufaymin po gama irde neñ gayen nende gigen forok yird dunen hiyen.

*Neñbe hoyan hoyan gega, Holi Spiritbe unkuřen*

<sup>12</sup> Be, al ulin piginbe unkuřen gega, hanin, kahan, kirmin, murun gwahadem yan han. Irde hanin, kahan, kirmin, murun gwahade han gore gab al ulin pigin unkuřen forok irde hi. Niñgeb Yesu Kristu wor gwahade yara geb, neñbe yende kahan, hanin, kirmin, murun gwahade hite.

<sup>13</sup> Neñbe al min hoyan hoyan. Kurabe Yuda mar, kurabe Grik mar. Irde kurabe al yufukde heñ murun gem mon meten tej han mar, kurabe dufayminde kun han mar. Goyenbe neñ tumnan Holi Spiritde baptais dirke Yesu Kristuyen ulin pigin yara hitin. Irde Holi Spirit, yeñ unkuřen gore po neñ dunkuřen dunkuřen bana hi. Holi Spirit hoyan gam mon.

<sup>14</sup> Al ulin piginbe det unkuřen beleñ po ma irtin hi. Kahan, hanin, kirmin, murun gwahade gore irke gab al ulin pigin unkuřen hitin.

<sup>15</sup> Goyenbe al kurat kahan beleñ, “Nebe al gate hanin mon geb, al gate ulin mon,” yiyyenbe

kahaŋ gob al gote uliŋ piŋinde ma hiyeŋ? Moŋ, epte moŋ. Yeŋbe al gote kahaŋ geb, uliŋde po hiyeŋ.

<sup>16</sup> Gwahade goyen po al kurat kirmiŋ beleŋ, “Nebe al gate diliŋ moŋ geb, al gate uliŋ moŋ,” yiyyeŋbe kirmiŋ gobe al gote uliŋ piŋinde ma hiyeŋ? Moŋ, epte moŋ. Yeŋbe al gote kirmiŋ geb, uliŋde po hiyeŋ.

<sup>17</sup> Niŋgeb ulniniŋ gayen dilniniŋ ala po manhan daha mat mere nurde hitewoŋ? Irde ulniniŋbe kirmiŋniniŋ ala po manhan daha mat det hamiŋ nurde hitewoŋ? Gobe kukuwamŋeŋ wor po.

<sup>18</sup> Goyenbe Al Kurun beleŋ dufaymiŋ gama irde al ire yeŋbe kahaŋya haniŋya yirde kirmiŋya diliŋya manaŋ yirde al unŋkureŋ iryiŋ. Niŋgeb neŋ wor gwahade po diriŋ.

<sup>19</sup> Gega det unŋkureŋ beleŋ po al irtiŋ manhan uliŋ piŋibe dahade hiwoŋ?

<sup>20</sup> Gega gwahade moŋ. Ulniniŋde det hoyan hoyan yirde ulniniŋ piŋiŋ unŋkureŋ po irtiŋ.

<sup>21</sup> Niŋgeb al kurate diliŋ beleŋ al gote haniŋ keneŋbe epte ma, “Nebe geya hitek ma nirde hi,” inyeŋ. Tonaŋ beleŋ kahaŋ keneŋbe epte ma, “Nebe geya hitek ma nirde hi,” inyeŋ.

<sup>22</sup> Gwahade yarabe ulniniŋde det kura yeneŋmiŋbe meten miŋmoŋ yeŋ nurde hitek goyenbe go ma hinayiŋbe ulniniŋbe keŋkela ma meten teŋ hiyyeŋ.

<sup>23</sup> Niŋgeb ulniniŋde det kura yeneŋmiŋbe meten miŋmoŋ yeŋ nurde hityen goyen det kurun yeŋ keŋkela doyaŋ yirde hityen. Irde ulniniŋde det kura yeneŋmiŋbe igiŋ moŋ gega, keŋkela po

umña yirde doyañ yirde hityen.

<sup>24</sup> Goyenbe ulniniñde det kura yenenmiñ igiñ gobe umña ma yirtek wor igiñ. Niñgeb Al Kurunbe ulniniñde det kura miñ miñmoñ yirtiñ yeneñ hanñyen goyen meten kura yune yeñbe go wor yade ulniniñde niñ det hoyañya gabu irde uliñ pigiñ unñkurenñ iryiñ. Al Kurunbe gwaha mat ulniniñde det kura miñ miñmoñ yeñ yeneñ hanñyen goyen turun yirde hiyen.

<sup>25</sup> Gogab ulniniñde det kurate dufayya det hoyañ kurate dufayya hoyañ hoyañ heke kahalte bipti ma forok yiyyenñ. Irde ulniniñde det gore kadam ge nurdkakala tenñ hinayiñ.

<sup>26</sup> Niñgeb ulniniñ kurhan kura misiñ katyen gobe ulniniñ pigiñ kurun go tumñañ misiñ nuryenñ. Gwahade goyen po, ulniniñ kurhan kura denem turunñ yañ heñ amanñ hekeb ulniniñ pigiñ kurun go manañ tumñañ amanñ hiyyenñ.

<sup>27</sup> Be, gwahade goyen po, denbe Yesu Kristuyen uliñ pigiñ yara. Denñ dunñkurenñ dunñkurenbe Yesuyen kahanñ, haniñ, diliñ, kirmiñ gwahade yara.

<sup>28</sup> Niñgeb denñ Yesuyen alya bereya sios hanñ bana goñ mehenñdebe Al Kurun beñ Yesuyen mere basañ mar aposel basaña yirtiñ hanñ. Irde go yufukdebe Al Kurunñyen mere basañ mar porofet basaña yirdeb Al Kurunñyen mere saba mar basaña yirtiñ hanñ. Irde gab mata tiñenñ turunñ yañ forok yird yird mar basaña yirdeb al garbam miñyañ sope yird yird mar wor basaña yirdeb al farañ yurd yurd mar basaña yirtiñ hanñ. Irdeb Yesuyen alya bereya doyañ yird yird mar basaña yirdeb naña hoyañde niñ mere kurayen kurayen go ma

nurtin goyen mere ten han mar basina yirtin han.

<sup>29</sup> Ningeb den tumnanbe aposel henayin? Ma, tumnan porofet henayin? Irde den tumnan Al Kurunyen mere saba mar henayin? Ma, tumnan mata tinen turnun yan forok yird yird mar henayin?

<sup>30</sup> Den tumnan al garbam sope yird yird mar henayin? Ma, tumnan nana hoyande nin mere go ma nurtin goyen ten ten mar henayin? Irde den tumnan mere goyen tigiri ten al bebak yird yird mar henayin? Epte mon geb.

<sup>31</sup> Goyenbe Holi Spirityen tareh kura igin wor po goyen goke momon direh tihim geb, den tumnan mata go ten ten nin kurut wor po yen hinayin. Mata gobe Holi Spirityen tarende mata forok yen hanjen hoyan kurun gote folek wor po.

## 13

### *Al hoyan nin amanen nurd yunen yunen mata*

<sup>1</sup> Be, ne gayen nana hoyande nin marte mere kurayen kurayen goyen igin gwaha mat mere tiyen, irde Al Kurunyen miyonyen mere mat manan mere tiyen gega, Al Kurunya al hoyanya nin amanen nurd nurd matanem mon kenem nebe heyononya tike de nin det ain parwek belen irtin goyen mali po gasa yirke migirin ten hanjen go gwahade goyen hewen.

<sup>2</sup> Irde Al Kurunyen mere basan hen mere ten ten sanjne yan hewen, irde Al Kurunyen mere banare hitin tumnan nurde dufaymin tumnan bebak ten tagalen, irde Al Kurun nin hekken wor po nurdeb dugu kura gasun hoyande kwa inmeke



kuyen gega, Al Kurunya al hoyanya nin amanen ma nuren kenem mata gobe duldul ten hen.

<sup>3</sup> Irde detne tumnan al det nin amu hen han mar goyen yunen, irde Doyan Al Kurun gama ird ird nin ten al belen kakde kumba nirke kamen gega, kadne nin amanen nurd nurd matanem mon kenem mata gwaha ten hen kurun gote murungem kura ma tewen.

<sup>4</sup> Be, al kura binde mat wor po kadomya Al Kurunya nin amanen nurd unen unen matabe gahade: al gobe kadom kura matamin igin hewon yen doyan hen hen ge pinen ma hen hiyen. Kurabe kadom igin igin yirde hiyen. Irde kadom kura igin mat hike kenenbe dani ne wor gwahade mon yen ma nurde hiyen. Irde ne harhem harhem mata ma tenbe yingen ge turun turun ma ten hiyen.

<sup>5</sup> Irde kadom hitte palap minmon mata ma ten hiyen. Irde yingen po igin hen hen belnen nin ma nankenen hiyen, irde aranen bearar ma ten hiyen. Irde kadom belen bulun irtin goyen goke dufay ug po ma hen hiyen.

<sup>6</sup> Al gobe mata bulun nin amanen ma nurde hiyen, irde mere fudinde goke po amanen nurde hiyen.

<sup>7</sup> Al gobe kanduk yenen hiyen goke mukku ma ten huginen taren po hen hiyen. Irde Al Kurun nin huginen heken nurde hiyen, irde Al Kurun belen igin niryen yen goke huginen doyan hen hiyen, irde kanduk yenen hiyen gega taren po hen fole yirde hiyen.

<sup>8</sup> Kadomya Al Kurunya nin amanen nurd yunen yunen mata gobe hubu ma hiyen. Goyen-

poga porofet metenbe hubu hiyyen. Irde nana hoyande nin mere mat mere ten ten mata goyen wor kamyen. Al Kurunyen dufay bebak ten tagal tagal meten wor hubu hiyyen.

<sup>9</sup> Gobe gayenter Al Kurunyen dufay tumnan bebak titek epte mon, irde meremin manan tumnan bebak ten basan hen tagaltek epte mon gega,

<sup>10</sup> kame nalu funandebe nen tumnan Al Kurunyen dufayya mereya kenkela wor po bebak titek geb, go mata gobe tumnan hubu henayin dinen hime gago.

<sup>11</sup> Mata gwahade forok yiyyen gobe bikken dirin hinhemya dirinde mere ten dufaynebe dirinde dufay po hen hinhem gega kun kun salanen henbe dirinde mataya dufayya gobe yubul po timirin go gwahade goyen.

<sup>12</sup> Irde gayenterbe Al Kurunyen mereya dufayya bebak wor po ma ten hite. Gobe lunen ain parwek beken irtin gore dinsokninin kinnin gega, kenkelak ma kenen hite go gwahade goyen. Goyenbe kamebe dilnininde kadom genen ten hite yara Al Kurunyen mereya dufayya kenkela wor po bebak ten hitek. Ningeb gayenterbe Al Kurunyen mereya dufayya kura mun po bebak ten hime gega, kamebe tumnan bebak tiyen. Goyenterbe Al Kurunyen beken kenkela wor po nurd nunen hiyen gwahade po, ne wor kenkela nurd unen hen.

<sup>13</sup> Be, yihim gwahade po mata hoyanbe hubu henayin gega, mata karwo kurabe hubu ma wor po henayin. Mata karwo gobe gahade: Yesu nin heken nurd nurd mata, Al Kurunyen beken

igin diryen yen goke doyan hen hen matayabe Al Kurunya kadniniya nin amanej nurd yunen yunen mataya gogo. Goyenbe mata karwo bana goyen folek wor pobe Al Kurunya kadniniya nin amanej nurd yunen yunen mata gogo.

## 14

*Porofet metenya nana hoyande nin mere mat mere ten ten mataya*

<sup>1</sup> Niñgeb Al Kurunya kadtinya nin amanej nurd yunen yunen mata gobe gama po irde hinayin. Irdeb Holi Spirityen saninde mata forok yen yen goyen goke Al Kurun belen dunwon yen taren po gusunaj irde hinayin. Gega porofet meten gobe det kurun geb, goyen dunwon wor po yen gusunaj irde hinayin.

<sup>2</sup> Porofet meten nin wa gusunaj irde hinayin dinen hime gote minbe gahade: al kura nana hoyande nin mere kurayen kurayen ten hiyen al gobe al ma mere yirde hiyen, Al Kurun mere irde hiyen. Yenbe Holi Spirityen tarende mere banare nin goyen ten hiyen. Niñgeb meremin goyen al hoyan kura belen bebak titek mon.

<sup>3</sup> Goyenpoga porofet meten ten han marbe tumnan al sanin yird yird nin mere yirde hanjen. Niñgeb kadam kura taren hen hen ge faran yurde, bin yurum yirde hanjen.

<sup>4</sup> Be, al kura nana hoyande nin mere ten ten mata ten hiyen al gobe mata gore yingen po taren irde hiyen. Munan porofet meten ten hiyen al gobe meten gore kadam Yesuyen alya bereya sanin yirde hiyen.

<sup>5</sup> Niñgeb metenḡ gobe naña hoyande niñ mere mat mere tenḡ tenḡ mata gote folek. Goke tenḡbe denḡ tumñaḡ naña hoyande niñ mere mat mere tenḡ tenḡ mata tenḡ hiwonḡ yeñ nurde hime gega, porofet metenḡ niñ wa gusunḡanḡ irke dunkeb metenḡ goyen tenḡ hiwonḡ yeñ nurde hime. Naña hoyande niñ mere mat mere tenḡ tenḡ mata gobe mere gote miñ goyen tigiri tenḡ Yesuyen alya bereya momonḡ yirke tareñ hetek al miñyanḡ hike kenem gwaha tiyyenḡ. Munanḡ hubu kenem hoyande niñ mere tenḡ tenḡ mata gote iginenḡbe porofet metenḡ gote iginenḡ epte ma fole iryenḡ.

<sup>6</sup> Be, kadne yago, denḡ hitte kuñ naña hoyande niñ mere mat mere tiyenḡbe daha mat faranḡ durenḡ? Epte monḡ wor po! Gwahade tiyenḡ gega, Al Kurunyen dufay banare niñ nikala nirke kawan momonḡ dird dird mata, Al Kurunyen dufay bebak tenḡ tagal tagal mata, porofet metenḡ goyen tenḡ tenḡ matayabe sabamiñ tagal tagal mataya goyen gonem monḡ henya denḡ hitte kuñ faranḡ durenḡ gobe iginenḡ ma forok yiyyenḡ.

<sup>7</sup> Gobe tikiñde niñ det buleluñya gitaya gwahade yara. Gobe binfut miñmonḡ gega, al belenḡ kari yirke mere tenḡ hanḡyen. Goyenbe kenḡkela ma kari yirkeb meremiñbe hiburnenḡ geb, tikiñ damiñ henḡ hanḡ yeñ ma bebak tinayiñḡ.

<sup>8</sup> Be, al kura fulenḡare kuñ kuñ niñ tenḡ bigul fu iryenḡ gega, kenḡkela ma fu irke fulenḡa mar kadam belenḡ daha matbe bebak tenḡbe fulenḡare kuñ kuñ niñ gitik tinayiñḡ? Epte monḡ.

<sup>9</sup> Niñgeb gwahade goyen po, denḡ belenḡ mere tenḡ henya naña hoyande niñ mere kura kadiñḡ

epte ma bebak titek mere mat tinayinbe dahadem kadtin beley meretin nurde bebak tinayin? Epte mon. Gwaha tinayinbe mere gobe dulin lawlaw yen han yen nurnayin.

<sup>10</sup> Fudinde wor po, megenbe nen beley epte ma bebak titek mere kurayen kurayen budam han. Gega mere gobe tumnan min minyan.

<sup>11</sup> Goyenbe mere hoyan kura ne beley epte ma bebak titek goyen al kura beley tiyyenbe nebe meremin gote min ma nuren geb, mere ten hi al hittebe al min hoyan hewen. Irde al gobe ne hitte al min hoyan hiyyen.

<sup>12</sup> Gobe den wor gwahade po yen nurde han. Denbe Holi Spirityen tarende mata forok yird yird sanin tetek wor po nurde han yen geb, tarenmin go ten gabe kadtin Yesuyen alya bereya sanin yird yird nin kurut wor po yen hinayin.

<sup>13</sup> Ningeb goke tenbe al kura nana hoyande nin merere mat mere ten hiyen al gobe mere tiyyen gote min kawan tagal tagal nin manan Al Kurun gusunan iryen.

<sup>14</sup> Fudinde, nana hoyande nin merere mat Al Kurun mere iren goya goyenbe tonner mere iren gega, dufaynerbe mere gwaha tihim yen ma nuren.

<sup>15</sup> Ningeb daha tiyen? Nebe tonner Al Kurun mere irenbe dufayner wor mere iren. Irde tonner Al Kurun nin tikin hewenbe dufayner wor tikin hewen.

<sup>16</sup> Munan denbe tontinde po Al Kurun turun irnayinbe den han bana goyen al kura meretin bebak ma ten hiyen al gobe den beley Al Kurun igin nurd unen turun irde han goke epte ma faran

durde “Fudinde,” yiyyen. Al gobe mere ten han gote min ma bebak ten hiyen geb, gogo epte ma haywan hiyyen.

<sup>17</sup> Denbe Al Kurun mere irde henya igin mat po turun irde hinayin gega, al hoyan meretin bebak ma ten hinayin marbe meretin gore epte ma faran yuryen.

<sup>18</sup> Nebe nana hoyande nin merere mat Al Kurun mere ird ird matanebe kurun wor po, den ten hanyen gote folek. Ningeb goke Al Kurun igin nurd unen hime.

<sup>19</sup> Nebe gwahade po nana hoyande nin mere mat Al Kurun mere ird ird mata taren po tanarde himyen gega, Yesuyen alya bereya gabu irde hanyen bana gon henbe al hoyan belen igin bebak titek mere mat po mere ten al saba yirde himyen. Al hoyan belen igin bebak titek mere mat saba yiren kurun gobe gote iginen minyan. Gega nana hoyande nin mere kadne belen epte ma bebak titek gore po ugun po saba yiren gobe iginen gam mon, min minmon wor po hiyyen.

<sup>20</sup> Ningeb, kadne yago, nana hoyande mere mat Al Kurun mere ird ird mataya porofet meten ten ten mataya goyen ten henya be dirin kalak belen dufay hen hanyen gwahade ma ten hinayin. Goyenbe dirin mamure ninbe mata bulun ten ten nin ma nurde han. Ningeb bulun ten ten ninbe yen yara hen hinayin. Gega dufay hen henjinbe al parguwak belen dufay hen hanyen yara hen hinayin.

<sup>21</sup> Al kurunyen asande nana hoyande nin merere mat Al Kurun mere ird ird mata goke

Doyaŋ Al Kurun beleş gaha yiriŋ:

“Ne beleş al miŋ hoyaŋ, irde meremiŋ manan hoyaŋ goyen dufay yunmeke mel gayen momoŋ yirnaŋiŋ.

Gwahade yireŋ gega merene ma nurnayiŋ,” yitiŋ hi.

*Aisaia 28:11-12*

<sup>22</sup> Niŋgeb naŋa hoyande niŋ mere mat mere teŋ teŋ mata gobe Doyaŋ Al Kurun niŋ ma nurtiŋ mar hittebe Al Kurunyen saŋiŋ bebak teŋ teŋ niŋ forok yeŋ haŋyen. Munan Doyaŋ Al Kurun niŋ dufaymiŋ tareŋ irtiŋ mar hittebe gwahade moŋ. Goyenbe porofet meten teŋ teŋ matabe Doyaŋ Al Kurun niŋ dufaymiŋ tareŋ irtiŋ mar hittebe Doyaŋ Al Kurunyen bunineŋ dufay goyen bebak teŋ saŋiŋ heŋ heŋ ge forok yeŋ haŋyen. Munan Doyaŋ Al Kurun niŋ ma nurtiŋ mar hittebe gwahade moŋ.

<sup>23</sup> Goyenpoga Yesuyen alya bereya sios tumŋan gabu irde naŋa hoyande niŋ mere mat Al Kurun mere irde hikeya al kura Al Kurunyen mere biŋde tareŋ ma hitiŋ mar ma al kura Doyaŋ Al Kurun niŋ ma nurtiŋ mar beleş waŋ denenbe daha dinnayiŋ. Kukuwa hahan po ga dinnayiŋ geb.

<sup>24</sup> Goyenbe tumŋan Al Kurunyen mere basan heŋ tagalde hikeya al kura Doyaŋ Al Kurun niŋ ma nurtiŋ mar ma Al Kurunyen mere biŋde tareŋ ma hitiŋ mar kura beleş waŋ mere go nurnayiŋbe mere nurnayiŋ kurun goreb mata bulunmiŋ kawan yirde biŋ yakamkeb, “Fudinde, nenbe mata bulun mar,” yeŋ nurnayiŋ.

<sup>25</sup> Al Kurunyen mere basan heŋ heŋ mata gore go mar gote dufaymiŋ banare po hitiŋ goyen kawan yiryen. Irkeb mel gore dokolhoŋ yugulun

teŋ Al Kurun dolon irde kawan po, “Fudinde, Al Kurunbe denya hi!” yenayin.

*Igin mat Al Kurun dolon ird ird mata*

<sup>26</sup> Niŋgeb, kadne yago, gabu irde Al Kurun dolon ird ird mata niŋ daha yewen? Be, Al Kurun dolon irniŋ yen gabu irdeyabe al kurabe tikiŋ hiyyen, irde kurabe saba diryen, irde al kurabe Al Kurunyen dufay banare niŋ goyen ikala irke tagalyen, irde kurabe naŋa hoyande niŋ mere mat mere tiyyen, irde al kurabe mere goyen tigiri teŋ miŋ bebak diryen. Goyenbe mata gwahade kurun gobe deŋ sios tumŋaŋ saŋiŋ heŋ heŋ ge teŋ hinayin.

<sup>27</sup> Niŋgeb al kura naŋa hoyande niŋ mere mat mere tiye yen nurdeb irawa ma karwo gwahade belen po mere tinayin. Al hoyan kura sopte ma mere tiyyen. Irde kura kame mere tinayin. Wawun unkurende po tumŋaŋ mere titin ala ma tinayin. Be, gwaha teŋ henyabe mere go tigiri teŋ bebak dird dird al manan hiyen.

<sup>28</sup> Munan mere go tigiri titek al miŋmon kenem mere go titek albe gabu irnayinde gorbe balmin po hiyen. Irde yenya Al Kurunya po balmin mere teŋ hiriryen.

<sup>29</sup> Be, porofet meten teŋ teŋ mata gobe al irawa ma karwo belen tagalnayin. Irke al hoyambe meremin gobe fudinde Al Kurunyen mere ma dahade goyen kenkela dufay henayin.

<sup>30</sup> Be, deŋ gabu irde keperde hinayin bana goyen Al Kurun belen dufaymin banare niŋ goyen al kura ikala irkeb huwarde tagalen tikeb



al kura mehenđe huwarde tagalde hiyen al gobe keperde balminj po hiyen.

<sup>31</sup> Gwaha tenj hinayinbe Al Kurunjen mere banare hitinj goyen tagaltek marbe tumnanj tagalde hinayinj. Gogab kadom saba gird tenj tumnanj tarenj henj hinayinj.

<sup>32-34</sup> Al Kurunbe dufay kenkela ma henj mali mali mata ma tenj hiyen. Yenbe binj kamke iginj henj henj gote minj al. Ninjeb Holi Spirityen tarenđe porofet metenj titek al gobe metenj goyen iginj mat doyanj irde metenj tenj hiyen.

Be, berebe Yesuyen alya bereya gabu irtinj bana gonj henyabe mere ma tenj hinayinj. Mata gobe Al Kurunjen dirnenj wenj Yesuyen alya bereya belenj gwaha tenj hanjen. Berebe Yesuyen alya bereya gabu irnayinj bana gonj epte ma mere kawan tagalde hinayinj. Gwaha titnenjbe Moseyen sabare yitinj gwahade po, Yesuyen alya bereyat doyanj marte mere nurde gama po irde hinayinj.

<sup>35</sup> Munanj mere ma mata kura goke gusunanj hininj yenj nurdeb yaminde kunj gab unj yago gusunanj yirde hinayinj. Bere belenj Yesuyen alya bereya gabu irtinj dilinj mar huwarde kawan po mere tenj tenj mata gobe memyak.

<sup>36</sup> Ga dinenj hime gabe denj Korin mar belenj, “Al Kurunjen merebe nenj hitte mat forok yirinj,” yenj hanjen, irde, “Al Kurunjen merebe nenj munj po ga nurtinj,” yenj hanjen yeke nurminj geb, gago dinenj hime.

<sup>37</sup> Be, al kura yingenj ge yenj, “Nebe porofet,” yenj nurde hi, irde kurabe, “Holi Spirityen sanjinde mata forok yenj yenj tarenjem yanj,” yenj

nurde hi kenem al gobe ne belen den hitte asan ga kan saba dirde hime gayenbe Doyan Al Kurunyen mere taren yen nuryen.

<sup>38</sup> Munan al gore mere ga nurde ma nurhem nurhem ten wasak po ten hiyenbe Doyan Al Kurun wor gwahade po iryen.

<sup>39</sup> Ningeb, kadne yago, Al Kurunyen mere basan hen tagaltek wor po nurde hinayin. Irde nana hoyande nin mere mat Al Kurun mere ird ird mata goke utan ma yirde hinayin.

<sup>40</sup> Goyenpoga mata go ten henyabe huginen igin mat mata ten hinayin. Irde al mali mali huwarde hiburnen ma ten hinayin.

## 15

### *Yesu kamyinde mat huwaryin*

<sup>1</sup> Be, kadne yago, hanƙapya Yesu nin yitin mere igin goke den hitte tagaltin goyen bitin bak yen yen ge sopte momon diren yen nurde hime. Denbe mere igin gayen nurde goke dufaytin sanin yirtin han, irde mere go po gama irde taren po huwarde han.

<sup>2</sup> Ningeb mere igin ne belen den hitte tagalmirin goyen taren po tanarde bada ma hen gama po irde hinayinbe mere igin go hende po sanin hen hike Al Kurun belen dumulgan tiyyen. Gwaha ma ten hinayinbe dufaytin yen ge taren irtin gobe min minmon hiyyen.

<sup>3</sup> Ga dinen hime gabe mere kurun Doyan Al Kurun belen momon nirtin goyen basan henbe momon dirmirin geb, gago sopte dinen hime. Mere gobe gahade: Yesu Kristube Al Kurunyen

asañde katiñ gwahade po, nende mata buluñ niñ teñ kamyiñ.

<sup>4</sup> Irke mete tiyamiñ. Gega Al Kurunyen asañde katiñ gwahade po, kamyiñde mat yerenkek hekeb huwaryiñ.

<sup>5</sup> Irde Pita hitte forok yeñ gab Komatmiñ 12 hitte forok yiriñ.

<sup>6</sup> Be, go kamereb wawuñ unkuñde alya bereya 500 folek gwahade, yeñ gama irde hinhan mar diliñde forok yiriñ. Go mar goyen kurabe kamañ gega, budambe hañ.

<sup>7</sup> Be, Yesube mel go hitte forok yeñ gabe Yems hitte forok yiriñ. Irdeb mere basañ marmin aposel tumñañ hitte forok yiriñ.

<sup>8</sup> Be, neñ aposel hitte forok yeñ hinhin goyen ne hittebe funañ wor po forok yiriñ. Nebe diriñ kura kawañ heñ heñ nalu hako hikeya kukuwamñeñ kawañ hitiñ yara al kenkelak moñ gega, ne hitte wor forok yeke delner kinmiriñ.

<sup>9</sup> Nebe aposel gega, deñne turnuñ yañ moñ. Goyenbe aposel hoyañbe deñem turnuñ yañ, ne folek wor po. Niñgeb al hoyañ belen ne gayen aposel nintek ma hime yeñ nurde hime. Gobe Al Kurunyen sios goyen buluñ buluñ yirde hinhem geb, gago dinen hime.

<sup>10</sup> Goyenpoga Al Kurun belen bunineñ nirde igiñ igiñ niryiñ geb, gayenterbe al gahade heñ metenmiñ teñ hime. Yeñ belen bunineñ nirde igiñ igiñ niryiñ gote igineñbe kurun wor po. Niñgeb nebe gogo yeñ ge teñ meten kurun wor po teñ hinhem. Aposel hoyañ belen meten titiñ gote folek wor po meten teñ hinhem. Goyenbe nigen

tarenđe ma meten gwahade ten hinhem. Al Kurun belen buninen nirde igin igin nirkeb gogo go hende huwarde meten ten hinhem.

<sup>11</sup> Niñgeb ne manan, aposel hoyan manan tumnan mere igin goyen tagalde tukun hinhet. Irke den belen nurde mere igin goke dufaytin sanin iramin.

### *Al kamtinbe huwarnayin*

<sup>12</sup> Goyenpoga den han bana goyen al kurabe mere igin goyen bulun mat tagalde han. Nen belen Yesu Kristu kamyinde mat huwaryin goke tagaltirin gega, dahade niñgeb go mar gobe al kamtinbe epte ma huwarnayin yen han?

<sup>13</sup> Al kamtinbe epte ma huwartek manhan Yesu Kristu wor go ma huwarwon.

<sup>14</sup> Irde Yesu Kristu huwaryin mon manhan goke tagalde hityen gobe min minmon hewon. Irde goke dufaytin taren irtin go wor min minmon hewon.

<sup>15</sup> Irde al kamtin sopte huward huward mata gam mon manhan Al Kurun belen Yesu Kristu isan ma hewon. Goyenbe Al Kurun belen Yesu Kristu isan hirin goke nen belen tagalde hityen geb, meten Al Kurun belen ma tiyyin goyen usi ten al hoyan momon yirde hite yen nurtewon.

<sup>16</sup> Al kamtin huwarnayin mon manhan Yesu Kristu wor kamyinde mat ma po huwarwon.

<sup>17</sup> Irde Yesu Kristu huwaryin mon manhan goke dufaytin taren irtin go wor min minmon hewon. Irde gayenter wor mata bulun bana po hiwon.

18 Irde yeŋ ge dufaymiŋ saŋiŋ irdeya ga kamtiŋ mar wor mata buluŋ bana po heŋya kamaŋ geb, Al Kuruŋ hitte epte ma kuwoŋ.

19 Yesu Kristu beleŋ heŋ heŋniniŋ igiŋ ird ird gobe megen gar hitekeya po igiŋ iryeŋ yeŋ goke doyaŋ heŋ hityen manhan al buniŋeŋ wor po hetewoŋ. Irde al buniŋeŋ megen gar haŋ gote folek buluŋ wor po hetewoŋ.

20 Goyenpoga Yesu Kristube kamtiŋde mat huwardeb al kamtiŋde mat kame huwarnayiŋ kuruŋ gote miŋ al hiriŋ geb, al kamtiŋ mar goyen wor kame huwarnayiŋ.

21 Al uŋkureŋ beleŋ mata buluŋ miŋ urke kamde kamde mata forok yiriŋ. Niŋgeb gwahade goyen po, kamtiŋde mat huward huward wor al uŋkureŋ beleŋ miŋ uryiŋ.

22 Adam beleŋ mata buluŋ miŋ uryiŋ geb, yeŋ kamere forok yitiŋ marbe tumŋaŋ kamde haŋyen gwahade po, Yesu Kristu beleŋ kamtiŋde mat huwariŋ geb, al hoyaŋ wor kamtiŋde mat huwarnayiŋ.

23 Goyenbe kamtiŋde mat mali mali ma huwarnayiŋ. Yesu Kristube yeŋ wa bikkeŋ kamtiŋde mat huwariŋ. Be, kuŋ kuŋ yeŋ sopte mulgaŋ heŋ waŋ waŋ nalure alya bereyamiŋ wor huwarnayiŋ.

24 Go kamereb nalu funaŋ wor po forok yiyyeŋ. Goya goyenbe Yesu Kristu beleŋ Satanyen tareŋya megen niŋ doyaŋ marte tareŋya tumŋaŋ gwa-muŋ yuryeŋ. Irdeb yeŋ beleŋ alya bereyamiŋ doyaŋ yird yird mata goyen Naniŋ Al Kuruŋ haniŋde kiryeŋ.

25 Mata gobe gahade: Yesu Kristu belen alya bereyamin doyan yirde hiyen. Irke kun kun Al Kurun belen Yesuyen asogom tumnan yukun Yesu kahan minde yerke yufurka tiyyen.

26 Irdeb yen belen gwamuñ uryen det funanbe kamde kamde mata geb, mata goyen pasi wor po kiryen.

27 Gobe, “Al Kurun belen det tumnan yende yufukde yerke doyan yirde hi,” yitiñ geb, gwaha po tiyyen. Be, “Det tumnan yende yufukde yerke” yitiñ mere gobe Al Kurun belen det tumnan yade Yesu Kristuyen yufukde yiryin geb, Al Kurun yinçenbe Yesu Kristu yufukde ma hi gobe kenkela wor po nurde hite.

28 Goyenpoga kame det tumnan Al Kurun belen Yesu Kristuyen yufukde yerde pasi iryen nalurebe Urmin Yesu Kristu wor gwaha iryen al Al Kurun yufuk bana hiyen. Gogab Al Kurun belen det kurun gate Doyan Al Kurun hen doyan yirde hiyen.

29 Be, denbe al kamtiñ niñ ten baptais ten hanjen. Goyenbe al kamtiñbe ma huwarnayin yen nurde han kenem daniñ al katmiñ mar goke baptais ten ten mata ten hanjen? Al kamtiñbe epte ma sopte huwarnayin kenem daniñ geb albe al kamtiñ mar goke ten baptais ten hanjen?

30 Irde neñbe daniñ Yesu niñ tenbe gise hanka mudunke kamtek kanduk yenen hityen?

31 Fudinde, kadne yago, ne hittebe gise hanka hugiñen kamde kamde mata forok yen hanjen gwahade yara, gise hanka kanduk yenen ulne misiñ katen himyen. Ga dinen hime gabe den

tumɲaŋ Doyaŋ Al Kuruɲniniŋ Yesu Kristuya haŋ goke amaŋeŋ nurde himyen geb, gago momoŋ dird dird niŋ kama ma heŋ hime.

<sup>32</sup> Ne gayen Efesus taunde niŋ mar kulu duwi yara gore buluŋ wor po nirke kanduk go fole ire yeŋ kurut yeŋ hinhem. Goyenbe dufay igiŋ moŋ megen gar po igiŋ heŋ heŋ ge dufay bener kerde gwaha timiriŋ manhan matane gore da igiŋ forok irde nunwoŋ? Hubu wor po. Al kamtiŋ epte ma sopte huwarnayiŋ kenem, “Gisebe kamtek. Niŋgeb dula teŋ kukuwa fe nene amaŋ po hiniŋ,” yewen.

<sup>33</sup> Goyenbe gwahade moŋ geb, usi mere goyen fudinde yeŋ ma nurde hinayiŋ. Kadtiŋ kura mata buluŋ teŋ haŋ gore matatiŋya dufaytiŋya igiŋ goyen buluŋ yirnayiŋ geb, gago diniŋ hime.

<sup>34</sup> Niŋgeb keŋkela dufay heŋ mata buluŋ ma teŋ hinayiŋ. Deŋ haŋ bana al kurabe Al Kuruŋ keŋkela ma nurd unen haŋ. Mere ga dirde hime gabe merene gayen nurde memya henaŋ yeŋ gago diniŋ hime.

*Al kamtiŋde mat huwarnayiŋ mar gote uliŋbe hoyan wor po henayiŋ*

<sup>35</sup> Be, goyenbe deŋ haŋ bana al kura beŋeŋ, “Al kamtiŋbe daha mat huwarnayiŋ? Irde huwardeb uliŋbe dahade henayiŋ?” yeŋ gusuŋaŋ heŋ hanyen.

<sup>36</sup> Mere gwaha teŋ haŋ marbe kukuwamŋen wor po! Deŋ beŋeŋ det muykeŋ hartiŋ go ma kamyenbe gor mat dahadem det gergeŋ forok yiyyen? Epte moŋ.

<sup>37</sup> Det kura hare yenbe kame forok yiyyen pigin yan gwahade ma harde hanyen. Det gote bilmin, wit muyken ma det hoyan harde hanyen.

<sup>38</sup> Goyenpoga Al Kurun belen muyken gote pigin forok yiwi yen nuryen gwahade po forok yen hiyen. Muyken yun kuren yun kuren gote piginbe hoyan hoyan po forok yirde hiyen

<sup>39</sup> Gwahade goyen po, det ulinbe tunande mon, hoyan hoyan. Alyenbe hoyan, megen nin dapna gote ulinbe hoyan, nuyenbe hoyan, irde fete nin dapna gote ulin wor hoyan.

<sup>40</sup> Irde nan kinbe gor nin det minyan, irde megenbe gor nin det minyan. Goyenbe nan kinde nin det buda gote umnaminbe nende gigen hoyan hoyan, irde megen nin det buda gote umnamin wor nende gigen hoyan hoyan po han.

<sup>41</sup> Nin geb nana dilin gote umnambe hoyan, irde gagasi gote umnambe hoyan po. Dinambe han kurun go wor umnambe nende gigen han.

<sup>42</sup> Be, al kamtinde mat huwarnayin wor gwahade po ulinbe hoyan wor po henayin. Al ulin piginbe bida henayin gega, kamtinde mat huwarnayinbe hugin hinayin.

<sup>43</sup> Irde al hakwambe bida hen bulun henayin gega, huwarnayinbe ulin gob igin mun turnun yan henayin.

<sup>44</sup> Al kamke mete titek hakwam gobe ulin megen nin po gega, sopte huwarnayin gobe Al Kurunyen gasunde nin henayin.

Be, dilnininde yenen hite gayen ulin pigin minyan han kenem Al Kurunyen gasunde nin wor ulin pigin minyan han.



<sup>45</sup> Goke Al Kurunyen asanđe, “Haŋkapyā wor po al tiŋeŋ forok yiriŋ gobe Adam. Yeŋ hitte mat al fuful tiyyiŋ,” yitiŋ hi. Goyenpoga al hoyan Adam yara kame wor po forok yiriŋ. Yeŋbe Yesu Kristu, Al Kurunya hugiŋeŋ heŋ heŋ goyen al yuneŋ yuneŋ gote miŋ al hiriŋ.

<sup>46</sup> Al Kurunyen gasunđe niŋ uliŋbe go wa ma forok yiriŋ. Megen niŋ uliŋ wa forok yeke gab Al Kurunyen gasunđe niŋ uliŋ gogo kame forok yiriŋ.

<sup>47</sup> Al haŋkapyā wor po forok yiriŋ gobe Al Kurun beŋeŋ megen niŋ mulowo po yade forok iryiŋ. Gega al kame forok yiriŋ Yesu Kristube Al Kurunyen gasunđe mat forok yiriŋ.

<sup>48</sup> Adam uliŋbe megen mat forok yiriŋ gwahade po, megen haŋ marte uliŋbe Adamyen uliŋ gwahade miŋyan haŋ. Gega al kura Yesu Kristuya haŋ marte uliŋbe kame kamtiŋde mat huwarde Al Kurunyen gasunđe haŋ mar gote uliŋ yara henayiŋ.

<sup>49</sup> Gayenterbe neŋ gayenbe megen niŋ al Adam yara hite. Gega kamebe Yesu Kristu Al Kurun hitte mat watiŋ gwahade hitek.

<sup>50</sup> Be, kadne yago, mere direŋ tihim gobe gahade: neŋ ulniŋiŋ megeŋ po yirtiŋ gayen manan henyaŋbe epte ma nalu funanđe Al Kurun beŋeŋ alya bereyamiŋ doyan yird yird bana goŋ hurkunayiŋ. Niŋgeb det buluŋ heŋ hubu hetek gore epte ma det hugiŋeŋ hitek bana goŋ hinayiŋ.

<sup>51</sup> Niŋgeb mere banare hitiŋ goyen momon direŋ tihim geb, keŋkela nurnan ko. Merebe gahade: neŋ kurun gayen tumnan ma kamtekeya

nalu funaŋ goyen forok yiyyeŋ. Kurabe kamnayıŋ, munaŋ kurabe go ma kamnayıŋ. Gega nalu goyenterbe kamnayıŋ marya go ma kamnayıŋ marya goyen tumŋaŋ ulniniŋ hoyañ wor po henayıŋ.

<sup>52</sup> Goyenterbe nalu funaŋde niŋ bigul mere tikeb goyare po ulniniŋbe hoyañ wor po hiyyeŋ. Bigul go mere tikeb al kamtiŋ marbe huwarde uliŋ gobe sopte buluŋ ma heŋ hugiŋeŋ igiŋ po hinayıŋ. Irke neŋ kurabe ma kamdeya ulniniŋ hoyañ hiyyeŋ.

<sup>53</sup> Gobe megen niŋ ulniniŋ bida hetek gabe yubul teŋ ulniniŋ bida ma hetek goyen yawartek geb, gogo ulniniŋ hoyañ hiyyeŋ. Ulniniŋ belŋeŋ hitek gabe kame ulniniŋ hugiŋeŋ hitek hiyyeŋ.

<sup>54</sup> Ulniniŋ bida heŋ belŋeŋ po hitek goyen yubul teŋ ulniniŋ gergeŋ bida ma heŋ hugiŋeŋ hitek goyen yawartek goke Al Kurunyen asaŋde katiŋ mere gobe fudinde. Mere gobe gahade:

“Kamde kamde matabe hubu hiyuŋ. Neŋbe mata go fole irtiŋ.” *Aisaia 25:8*

<sup>55</sup> “Kamde kamde mata, gebe epte ma fole dirayıŋ.

Kamde kamde mata, gebe epte ma dakamayıŋ,” yitiŋ hi. *Hosea 13:14*

<sup>56</sup> Be, yitiŋ gwahade po, kamde kamde gote kilibe mata buluŋ geb, mata buluŋ goreb al hitte kamde kamde forok iryiŋ. Moseyen sababe al beŋeŋ epte ma keŋkela gama irtek geb, neŋ al gayen mata buluŋ mar diniŋ diniŋ tareŋbe sabare gor mat waŋ hi.

<sup>57</sup> Goyenpoga neñbe Doyañ Al Kurunñiniñ Yesu Kristuya hitekeb Al Kurun beleş mata bulunya kamde kamdeya fole yird yird sanjñ dunyinj geb, goke iginj wor po nurd unenj hite!

<sup>58</sup> Niñgeb, kadne yago, tarenj po heñ yul ma yenj huginjenj Doyañ Al Kurunñ niñ metenj tarenj po tenj hinayinj. Deñ beleş Doyañ Al Kurunñ niñ tenj metenj tenj huginjenj kurut yenj hanjen gobe dilinje minj minjon ma hiyyenjen yenj nurde hanj gogo.

## 16

*Yesuyen alya bereya Yerusalem hanj goyen faranj yurd yurd niñ mere*

<sup>1</sup> Be, Al Kurunjen alya bereya faranj yurtek yenj hora gabu ird ird niñ gusunjanj niranj goke wol heñ momonj direñ tihim. Ne beleş Galesia nanjare niñ Yesuyen alya bereya goyen gwaha gwaha tinayinj yinmeke tiyaminj gwahade goyen po, deñ wor mata gwahade po tinayinj.

<sup>2</sup> Niñgeb metenj tenj gote murunjem hora yadeb kura pota yirde Sandeminj Sandeminj yawanj gabu yirde hinayinj. Hora kurunj tenj hanj marbe kurunj pota yirde hinayinj, munanj hora dirnenj yade hanj marbe dirnenj pota yirde yawanj gabu yirde hinayinj. Gogab deñ hitte kumeke goyare po gab hora gabu yirniñ yirniñ ma tenj hinayinj.

<sup>3</sup> Be, ne kunj forok yemekeb Yerusalem niñ sios yuntek hora goyen yenj beleş ga yukunj yunnayinj yenj al kura yawarnayinj. Irkeb ne beleş mel gobe al gwahade yenj Yerusalem mar niñ asanj kayenjen goyen mananj yunmeke gab tenj kunayinj.

<sup>4</sup> Irde ne wor mel goya tumɲaɲ kutek gobe min minɲaɲ kenem neya tumɲaɲ kutek.

*Korin kuɲ kuɲ niɲ tagalyiɲ*

<sup>5</sup> Be, nebe Masedonia naɲa beɲeɲ kuɲ kuɲ niɲ dufay heɲ himyen geb, bana gore mat kuɲ kuɲ gab deɲ hitte kweɲ.

<sup>6</sup> Kuɲ deɲya ulyaɲde yara hiniɲ yeɲ nurde hime. Irde meɲe huwarde naɲa buluɲ hiyyeɲ nalure goyen manaɲ gor po heɲ wet yeɲ nurde hime. Go kamere gab goɲ kura kwe yeɲ nureɲ goyen faraɲ nurke kweɲ.

<sup>7</sup> Gobe duliɲ kuɲ denmaɲ kuɲ kuɲ niɲ ma nirde hikeb gago dineɲ hime. Doyaɲ Al Kurunyen dufay kenem deɲya ulyaɲde yara hitte yeɲ nurde hime.

<sup>8-9</sup> Goyenpoga Efesus taunde garbe Al Kurunyen meten kurun keɲkela meten titek goyen forok yeɲ hi geb, gar heɲ meten teɲ Pentekos nalu heke gab deɲ hitte kweɲ. Garbe al budam Al Kurunyen mere fudinde yeɲ nurde haɲ. Goyenbe budambe asogo nirde haɲ.

<sup>10</sup> Be, Timotibe deɲ hitte kuyeɲ. Niɲgeb deɲ beɲeɲ keɲkela faraɲ urde hikeb deɲya heɲ heɲ ge kafura ma hiyyeɲ. Yeɲ wor ne teɲ hime yara Doyaɲ Al Kurunyen meten teɲ kuɲ hi.

<sup>11</sup> Niɲgeb palap po irde hinayiɲ. Irde yeɲ beɲeɲ ne hitte mulgaɲ heɲ waɲ waɲ nalurebe hantiɲ yerde unen guram irde tareɲ irdeb tubul tike biɲ kamkeya wayyeɲ. Nebe Timoti goyen gor niɲ Yesu nurd untiɲ mar kura goya wanayiɲ yeɲ doyaɲ heɲ hime.

<sup>12</sup> Be, kadne Apolosbe kadomya deɲ hitte kunayiɲ yeɲ inen tebaɲ irde himyen gega, kutek ma

irde hiyen. Goyenbe kutek nalu kura forok yeke gab kuyen.

<sup>13</sup> Be, denbe kenkela heñ ga hinayiñ. Irde Doyañ Al Kurunñ niñ hekkeñ nurdeya hinayiñ. Irde kafura ma heñ tareñ po heñ hinayiñ.

<sup>14</sup> Irde metenñ teñ hinayiñ kurunñ gobe bitinñde hugiñeñ al hoyañ niñ amañeñ nurd nurd dufay goyen hikeya ga metenñ teñ hinayiñ.

<sup>15</sup> Be, denbe Akaia naña bana goñ niñ albe Stefanasya yeñya hanñyen marya gore wa Yesu niñ dufaymiñ sañiñ irdeb Al Kurunñyen alya bereya hoyañ farañ yurd yurd metenñ goyen tiniñ yeñ nurde metenñ teñ hanñyen gobe nurde hañ gogo. Niñgeb, kadne yago, denbe

<sup>16</sup> mel goyen tumñañ palap yirde hinayiñ. Irde al kura yeñ metenñ teñ hanñyen gwahade metenñ teñ hike yeneñbe go wor palap yirde hinayiñ.

<sup>17</sup> Nebe Stefanasya Fotunatusyabe Akaikusya wake neya hite goke amañeñ nurde hime. Deñ denmewoñ wor po yeñ nurde himyen goyenpoga, mel ga wañ forok yekeb tumñañ denhem yara nurdeb amañ heñ hime.

<sup>18</sup> Yeñbe denya heñ farañ durde hike bitinñ kamke hinhan gwahade goyen po, wañ gar ne wor gwahade po nirde hañ. Niñgeb denbe al gwahade goyen palap yirde hinayiñ.

### *Mere funañ*

<sup>19</sup> Be, Esia\* naña bana niñ sios neya hite mar belenñ deñ ge dufay heñ hañ goyen momoñ yirayiñ ninkeb gago dinenñ hime. Irde Akwilaya berem

---

\* **16:19:** Esia naña gobe gayenter niñ Esia naña kurunñ goke ma yitiñ. Gayenterbe Turki inenñ hanñyen.

Prisilayabe yaminde gabu irde Doyan Al Kurun dolon irde han marya belen wor den ge ug po dufay hen han geb, gago bebak dirde hime.

<sup>20</sup> Irde Yesu nurd unti mar hoyan gar han wor tumnan den ge dufay hen han geb, gago momon dirde hime. Denbe kadam gargar gird ten henyabe bitin bana mat fudinde wor po kadam gargar girde ten hinayin. Gobe Al Kurun dilinde wukke wor po geb.

<sup>21</sup> Be, funanbe nigen hanner wor po denne gahade kan asan ga pasi iren tihim - POL.

<sup>22</sup> Be, al kura Doyan Al Kurun nin amanen ma nurd unen han marbe Al Kurun belen karan yurke bulun wor po henayin. Doyan Al Kuruninin, aranen wayayin!

<sup>23</sup> Be, Doyan Al Kurun Yesu belen buninen dirde igin igin dirwon yen nurde hime.

<sup>24</sup> Neya denyabe Yesu Kristuya tumnan hite geb, den ge amanen wor po nurd dunen hime. Fudinde wor po. Gogo po.

**Al Kurunyen Mere Igin  
The New Testament in the Gwahatike Language of  
Papua New Guinea  
Nupela Testamen long tok ples Gwahatike long  
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

---

PDF generated using Haiola and XeLaTeX on 18 Mar 2025 from source files dated 31 Aug 2023

dbba218f-41f3-5f08-b0b6-2a7c919093ab